

Nganong Sa Mga Magbalantay Man

Tucson, Arizona, USA
December 21, 1964

1 Maoy akong pagtoo nga ako usa ka makapalaay nga magwawali. Ug walay edukasyon, sa a—akong pagtoo dili ako angayan nga usa ka magwawali alang sa pipila ka mga katawhan. Ug bisan ngani a—ako dili ako moangkon nga usa ka magwawali; kondili sama lamang ako sa usa ka reserba nga ligid. Apan akong gibati nga ako adunay usa ka mensahe nga gikan sa Dios, nga sa akong paagi (sa bugtong paagi nga akong itanyag Kini,) akong gipaningkamotan ang pagtanyag Niini ngadto sa kalibutan. Ug kong dili ako magpabilin uban nianang mensahea, mahimo akong maluibon sa Dios ug usa ka tigpakaaron ingnon kaninyo. Usa ka tawo nga mosultig usa ka butang maoy toohan ang lain, usa kini ka pagminaut. Kinahanglan nga maoy atong isulti ang kamatuoran gikan sa atong kasingkasing. Aron nga kung ang mga katawhan motan-aw kanato, bisag mosupak sila kanato, maninguha ta nga mahimong tinamud nga mga lalake ug babaye: nga gikan sa atong kasingkasing misulti kita, nianang unsay tinuod sa atong mga kasingkasing.

2 Sa miaging tuig, o usa ka tuig sa wala pa ang milabayng tuig, nakahigayon ako sa pagpakigsulti sa u—usa ka Cristohanon—o pasayloa ako, sa usa diay ka mensahe sa Pasko, dinha sa Ramada. Ug maoy akong pagtoo nga nahisgot ako sa tema, dinhi ba kadto o sa Phoenix, bahin sa “Nganong Diyotayng Betlehem Man?” Ug usab nagtoo ako nga dinhi kadto sa miaging tuig naghisgot ako sa “Among Nakita Ang Iyang Bituon Didto sa Subangan Ug Nanganhi Kamo Aron Pagsimba Kaniya.”

Ug, nasayud na kamo, atong mabasa sa Biblia, ug mahibulong ta, nianang mga “Ngano?” Ug niining gabhiona akong gihunahuna, kong moantus kamo uban kanako kadiyot, ug mag-ampo uban kanako, akong paninguhaon ang paghatag kaninyo sa akong mensahe sa Pasko. Ang Dios mao ray bugtong nasayud kung hain ta sa sunod nga Pasko, kong anaa pa may laing Pasko human niini. Tungod kay tingalig kini na man ang katapusang Pasko nga nagkahiusa kita, hangtud nga manglingkud ta sa laing lamesa. Ug kini dili mao ang usa niining mga tipoha, kondili mahitabo kini kung mangaon na kita ug manginum sa comunyon kauban Niya diha sa Ginghamarian sa Amahan sa katapusan sa panaw. Ug tungod niini manuol ta niini ning kagabhion maingon nga kini mao mao nay katapusang mensahe sa Pasko nga atong gisalohan, diha sa tumang kamatinud-anon.

3 Buot kong hisgotan niining gabhiona ang usa ka dili talagsaon pagtulon-an, diin usahay atong makita ang Dios diha sa usa ka butang dili talagsaon. Siya magabuhay ug mga butang diha sa usa ka dili kasagarang pamaagi, dili ka kasagarang panahon, dili kasagarang eksena; kay Siya usa ka dili kasagaran. Ug maoy akong gusto kining... Kung itugot sa Ginoo, buot kong hisgotan ang pulong nga nagaingon “Nganong Sa Mga Magbalantay Man.”

Ug karon, sa dili pa nato duolon ang Pulong, kinsa maoy akong pagtoo nga mao kana ang Dios, “Sa sinugdan mao na ang Pulong, ug ang Pulong kauban sa Dios, ug ang Pulong mao ang Dios. Ug ang Pulong nahimong unod ug mipuyo uban kanato.”

4 Ug matud ko, sa miaging semana, o usa ka semana sa wala pa kadto didto sa Phoenix, “Kini gipamatud-an nga adunay mga ginsakopan dinhi sa kalibutan, mga katawhan, nga nanagpangagi niining maong gambalay karon.” Ang telebisyon mipamatuod niana. Anaa kini sa laing kahimtang; ang atong natural nga mga mata ug ang atong lima ka mga galamhan dili makahikap niana. Dili kanang maong telebisyon ang nagmugnang bisag unsa; kondili usa lamang kini ka latayanan. Dili ka makapalihok niini pinaagi sa imong mga tudlo; dili ka makapamilok sa imong mata; apan gipamatud-an kini nga gikapatik sa hangtud. Mahimong magtindog ako... O ang usa ka taga Australia, magbutang, ug usa ka telebisyon dinhi, dili kay kana lang kondili nga a—ang tawo mahimong mosulti, makalihok sa iyang tudlo, makapamilok sa iyang mata, o bisan ngani ang kolor sa sinina nga iyang gisul-ob, mahipakita dinhi sa bongbong; ug siya diha sa Africa, sa Australia, sa tibuok kalibutan. Tan-awa, anaa diha ang paglibotlibot sa hangin. Dili ko kini ikasaysay, apan nahibalo ako nga anaa kini diha. Wala akoy

nahunahunaan nga makahimo pagsaysay niini. Busa ang telebisyon makahimo sa pagkuha niini ug himuon kining tinuod pinaagi sa mga kahimanan, aron ilang ikapakita kini diha sa bongong.

5 Karon, mao rang butanga ang dinhi sa dihang dinhi pa si Adan. Diha may telebisyon sa di—dihang didto si Elias sa Bukid sa Carmel. Dinhi na kini sa dihang si Martin Luther, kadtong batan-ong pari, milabay sa hostiyas diha sa kahigayonan ug miingon, Usa ra kini ka pan. Ug ang matarong mabuhi pinaagi sa pagtoo.” Mianhi na usab kini, apan karon atong gipangita kini. Ug mao man usab kini, dinhi sa atong atubangan ning gabhiona ang Dios, ang mga Manolunda, ang kahibulongang binuhat ang dili Makita sa atong natural nga panan-aw. Apan may adlaw ra nga mahimo kining tinuod maingon sa telebistyon karon, ug sama sa naandan. Karon, maoy nga hinungdan nga mitoo ako sa Pulong.

Si Jesus miingon, “Bisan kinsa ang magadugang ug usa ka pulong niining Biblia, o magakuha ug usa ka Pulong gikan Niini, ang iyang bahin pagakuhaon gikan sa Basahon sa Kinabuhi.”

6 Busa iduko ta ang atong mga ulo sa dili pa Kini nato basahon. Sa tumang kahilom ... Bisan kinsa nga may lawasnong kusog makahimo sa pagpakli sa panid, apan ang Dios lamang maoy makahimo sa pagpadayag Niini.

Ug uban sa mga ulo nga iduko ngadto sa abog din kita gikuha, ug sa kapulihay mamalik kita, ambot lang kaha ...Ug dinhi niining walay timik nga higayon, samtang nagkahiduol na ta sa Pasko, kung ania may pipila dinhi nga mibati sa pagkadili takus ug buot nga mahinumduman niining mga pag-ampo, mahimo bang (nga dili mohangad) inyong ipataas ang inyong mga kamot ngadto sa Dios ug miingon, “Hinumdumi ako, Ginoo, niining Pasko”? Ang Dios magapanalangin kaninyo.

7 Labing balaan ug maluloy-ong Amahan, Labing Gamhanang Dios, Siya nga mao ang sa sinugdan sa wala pay bituon, o usa ka atom, o usa ka molekula ... Imong gibuhay ang tanang mga butang pinaagi kang Jesu-Cristo nga Imong Anak, ug mitugyan kanamo sa tanang mga butang nga walay bayad diha Kaniya. Mapasalamaton kami Kanimo ning gabhiona, Ginoo, niining kahigayonan nga Imong gihatag kanamo aron pagtigum sa among kaugalingon aron mapasidan-an ug matudloan pinaagi sa Espiritu Santo maoy mokuha sa Imong mga Pulong ug ipadayag sila kanamo, tungod kay si Jesus nag-ingon man, “Kung Siya Ang Espiritu Santo sa Kamatuoran moabot na, Siya maoy magpahinumdum kaninyo sa mga butang nga Akong giingon ug usab magapakita kaninyo sa mga butang nga umalabot.”

Dios, walay usa dinhi sa among taliwala, ni adunay usa dinhi sa kalibutan, nga takus sa pagsulay paghubad sa Imong Pulong sa Dios dili mahimong hubaron sa kinaugalingon. Busa, Ginoo, kami nagaampo nga ang Espiritu Santo magahatag kanamo niining gabhiona, sa matag usa, sa kabahinan nga among gikinahanglan aron pagtagbaw nianang kagutom sa among kasingkasing aron makaduol sa pagpakiglakaw uban Kanimo. Dili kami haum, mahugaw, dili takus. Tugoti nga ang Bata nga natawo sa Betlehem, nga nagpuyo sa labing hingpit nga kinabuhi, ug mao ray bugtong hingpit nga Tawo sa ibabaw sa nawong sa yuta, ug mitugyan sa Iyang kaugalingon ingon nga lukat aron Iyang migahinlo kanamo nga mahugaw nga makasasala ug aron pagdala kanamo diha sa kadugtongan uban sa Amahan, itugot niining gabhiona nga ang Iyang Espiritu Santo pinaagi sa pagwali sa Pulong maoy mobuhat niana alang kanamo.

8 Ginong Dios, aniyay daghang nagmasakiton dinhi sa yuta karon, sa atubangan sa labing maayong tambal nga niini gitambalan kami, ug sa labing maayong medisina ug labing maayong hospital. Ug balos niining tanan sa among dagkung siyentificanhong kaplag, bisan pa niini anaa pay daghang mga balatian kay sa nasinati sukad sa kalibutan, tungod kay anaa may daghang mga sala ug pagkadili matinoohon kay sa nasinati sa kalibutan sukad. Tabangi kami niining gabhiona, Gamhanang Mananambal, ug ayoha ang masakiton nga ania sa among taliwala.

Ug ihatag kanamo ang Espiritu, ang tinuod nga Espiritu sa Pasko. Samtang niining panahona kanang paganong kasaulogan, gisimba ang mga dayandayang kahoy sa Pasko, mga sugilanong minaomao sa u—usa ka tawo nga ginganlag si Santa Claus, ug ang among mga rabbit sa Pagkabanhaw, ug sa nagkalainlaing mga urog nga gihimong puhonan sa negosyanting kalibutan, hinaot unta nga mahipadaplin kini, Dios. Pasudla kami diha kang Cristo nga Pulong, tungod kay kini anong gipangayo sa Iyang Ngalan ug

alang sa Iyang kahimayaan. Amen.

9 Kong moduyog kamo uban kanako alang sa pagbasa sa Balaang Sinulat, sa San Lucas capitulo 2...Hidunggan ba ninyo ako pag-ayo? Anaa bay laing kabalhinan sa mga mikropono? Hidunggan ba ako diha sa likud? Kong mao, nan ipataas ang inyong kamot. Salamat. Sa capitulo 2 sa Ibanghilyo ni San Lucas.

Ug nahitabo niadtong mga adlaw nga may migula gikan kang Cesar Augusto usa ka sugo nga buhaton ang usa ka pagpanglista sa tanang pumoluyo sa tibuok yuta.

Kini mao ang unang pagpanglista nga gibuhay, sa diha nga si Cirenio mao ang gobernador sa Siria

Ug nangadto ang tanan aron sa pagpalista ang tagsatagsa sa iyang lungsod nga kaugalingon.

Ug si Jose usab mitungas gikan sa Galilea sa lungsod sa Nazaret ngadto sa Judea sa lungsod ni David, nga ginganlan Betlehem, tungod kay siya sa panimalay ug sa banay ni David,

Aron sa pagpasulat sa iyang kaugalingon uban kang Maria nga kaslonon kaniya nga nagasabak.

Ug nahitabo nga samtang didto sila natuman ang mga adlaw nga siya manganak.

Ug nag-anak siya sa iyang kamagulangan nga Anak nga lalake, ug giputos niya sa mga babbak, ug gipahigda niya sa usa ka pasungan; tungod kay wala nay dapit alang kanila sa balay nga abutanan.

Ug may mga magbalantay sa carnero sa maong yuta nga nagapabilin sa kaumahan ug nagabantay sa ilang panon sa kagabhion.

Ug ania karon, usa ka manulonda sa Ginoo mikunsad kanila, ug ang himaya sa Ginoo misidlak sa libut nila ug nangalisang sila sa dakung kahadlok

Ug ang ma nulonda nag-ingon kanila: Dili kamo mahadlok kay ania karon, ginadala ko kaninyo ang mga maayong balita sa dakung kalipay alang sa tanang katawha

Kay natawo karon alang kaninyo, sa lungsod ni David, ang Manluluwas, nga mao si Cristo nga Ginoo.

Ug kini mao ang ilhanan ninyo: makaplagan ninyo ang usa ka bata nga naputos sa mga babbak, ug gipahigda sa usa ka pasungan.

Ug sa kalit mitungha uban sa manolunda ang usa ka kadaghanan sa mga panong langitnon nga nanagdayeg sa Dios ug nanag-ingon:

Himaya sa Dios sa kahitas-an ug sa yuta pakigdait sa taliwala sa mga tawo nga iyang gikahimut-an.

Ug nahitabo nga sa pagbiya kanila sa mga manolunda nga nagapaingon sa langit, ang mga magbalantay sa carnero nasig-ingon sa usag usa: mangdto kita karon hangtud sa Betlehem ug tan-awon nato kining butang nga nahitabo, nga gipaila kanato sa Ginoo.

Ug nangadto sila pagdali, ug hingkit-an nila si Maria ug si Jose, ug ang bata nag nahagigda sa pasungan, ug sa hingkit-an nila kini, gipahibalo nila ang giingon kanila mahatungod niining bataa.

Ug ang tanan nga nakadungog niini nanghibulong sa mga butang nga gisugilon kanila sa mga magbalantay sa mga carnero.

Apan kining tanang mga butanga, gitipigan ni ,Maria nga nagapamalandong niini sa iyang kasingkasing.

Ug namauli ang mga magbalantay sa mga carnero, nga nanaghimaya ug nanagdayeg sa Dios tungod sa tanang mga butang nga ilang hingdunggan ug hingkit-an irgon sa gimantala kanila.

Hinaut nga ang Ginoo magadugang sa Iyang mga panalangin sa pagbasa sa Iyang Pulong.

10 Karon, usa kini... Ngano nga kining dakung hitabo gipadayag ngadto sa mga magbalantay sa karnero? Kana usa ka matang nga makapatingalang butang alang kanato. Aduna akoy Mga Kasulatan nga gisulat dinhi, ug pipila ka mga mubong sulat nga akong tinguhaon sa pagsaysay kaninyo kung ngano sa pinakamaayo nga akong

nahibaloan. Ug tingali human niini, nga ang Ginoo sa Iyang grasya, karong gabii, magakuha sa ngano gikan kanato. Apan... Kadaghanan kanato, ako nagtoo, sa usa ka higayon kon sa lain, nahibulong ngano nga kining labing dakung hitabo gipadayag ngadto sa mga magbalantay sa karnero. Ngano nga kini gipadayag ngadto sa mga magbalantay sa karnero ug dili ngadto sa mga teyologo nianang panahona; sila mao ang gibansay sa pagpatalinghug niini? Ug ngano nga kini miabut ug gilabyan ang datu, ug miabut ngadto sa kabus? Usab, ngano nga gilabyan ang mga eskolar ug mga manggialamon, ug miabut ngadto sa mapainubsanon ug walay kahibalo? Adunay pipila ka mga pangutana kung ngano kini?

11 Ug ang lain pang hinungdan tingalig isulti ko, himatikdi, nga ang bata natawo sa Betlehem. Nga ang "Betlehem" sa Hebreohanon nga hubad, samtang atong gihisgotan kini dinhi sa daghang mga katuigan, ang "Betlehem" nagkahulogan nga "balay sa tinapay sa Dios." Ug atong kapamatud-an sa mga Kasulatan, nga Siya dili mahimong moadto sa laing dapit. Ang Betlehem gitukod ni Rahab ug sa iy—iyang bana. Si Rahab usa ka bigaon nga gipangulitawohan sa heneral, sa—sa Israelinhong sundalo, human nila makuha ang Jericho ... Ug pinaagi sa pagtoo siya sa mitoo sa mensahe sa Dios bisan sa iyang kahimtang, ug naluwas siya. Ug gikan niadto, sa dihang gibahinbahin na ni Josue ang yuta din ang matag usa makaangkon.

12 Ug diha niana anaay usa ka dakung pagtulon-an nga sa akong pagtoo mahimo kong dad-on ngadto sa Tucson, gikan sa mga Hebreohanong inahan nga nanganak sa mga kabataan. Sa dihang nagbati siya sa kasakit aron ihimugso ang bata, iyang pagatawgon ang ngalan sa bata ug ipahimutang diha sa yuta sa saad, sa matag banay. Ang dakung butang, mao nga ang tanang Pulong sa Dios nagakaduyog gayud sa husto. Ug kon dili man kini mohaom pag-ayo, nan dili ang Pulong sa Dios maoy dili mohaum; kondili ang inyong mga hunahuna maoy wala mohaum sa Pulong. Kining tanan nanagkaduyog gayud.

13 Siya mao ang Tinapay sa Kinabuhi, sumala sa atong gitudlo sa miaging semana didto sa Phoenix, o usa ka semana sa wala pa kadto. Ug sanglit kay Tinapay man sa Kinabuhi, moadto Siya dili sa bisag unsang dapit kondili sa "balay sa tinapay sa Dios." Ug mao kadto ang pangutana. Ug karon, dinhi si Jesus natawo sa Betlehem, ug didto sa Betlehem dihay mga sinagoga; ang mga dagkung pangulo sa relihiyon didto magpuyo sa Betlehem. Si David ang bantugang hari-nga magbalantay sa carnero didto matawo sa Betlehem; ang iyang amahan nga si Isai didto matawo sa Betlehem. Ug usab, sa kinatibuk-an siya nagagikan sa Bethlehem.

Ug ania karon, si Jesus nga Anak ni David natawo didto sa Bethlehem, didto sa ilalum sa landung sa dagkung mga cathedral. Nan kong kadtong mga tawhana binansay man, ug nanagpaabot sa Mesiyas sa daghang mga katuigan: upat ka libo ka mga katuigan ang Mesiyas gipanagna na nga moabot. Ug kong ang Mesiyas matawo ilalum sa landing sa cathedral, nan nganong nangadto man sila sa kabukiran ngadto sa panon sa walay alamag, sa mga magbalantay sa mga carnero walay hingbangkaagan aron pagdala sa dakung mensahe, ang nahaunang mensahe? Ug gisugo ang mga magbalantay sa carnero, ug dili ang manggialamon ug batid, kondili ang mga magbalantay man hinuon sa carnero, ug dili ang manggialamon ug batid, kondili ang mga magbalantay man hinuon sa carnero. Usa kini ka talagsaong butang, dili ba? Tan-awa, anaa pa gayuy mga pangutana nga nagpaluyo. Anaay mga pangutana; ania karon kinahanglan anaa gayuy tubag sa pangutana. Ug walay tawong nasayud sa tubag gawas sa Dios lamang. Siya mao ray Bugtong nasayud sa tubag.

14 Karon, hinumdumi, nga ang Mesiyas didto sa siyudad, natawo sa siyudad, sa pasungan; sa luyo sa dakung cathedral diin didto sa labawng pari ... ang bantugang mga pari, ug ang mga batid sa tiyolohiya, ug ang manggialamon, ug ang mga binansay, ang tanan didto na nagpaabot sa Mesiyas. Ug didto na Siya sa ilang taliwala. Apan nganong nangadto pa man sila sa—sa gawas sa mga kabungturan sa Judea ngadto sa walay alamag, walay hingbangkaagan, wala matudloi, ang labing kabus sa tanan? Ingon sa tawong dili angayan sa maong bulahaton sa pagpadayag sa mensahe ug gipadala sila aron pagdala sa mensahe.

Nasayud ba kamo sa akong hunahuna? Mahimong dili kini bililhon pag ayo, apan buot kong ipadayag ang akong hunahuna: Nagtoo ako nga tungod kini sa kaalam sa Dios, nga Iyang hingsayran nga dili sila modawat sa maong mensahe sa paagi sa paghiabot Niini. Wala kini mahiuyon sa ilang hingbaw-an. Lahi ra Kini. Wala Kini sa

unsay ilang gitun-an aron toohan nga mahisama Siya. Supak Kadto sa ilang tiyolohikanhong pagpanabot. Ang tanan nilang mga pagtuon ang tanan nilang pagkabinansay gilabyan, ug nahimong walay pulos. Nagtoo ako nga ang kaalam sa Dios maoy nasayud nga dili sila modawat sa maong mensahe.

15 Ug busa ania karon dinhi ang Mesiyas, ug anaa gayuy tawo nga makaila Niini. Ug nakaila Siya kanila nga wala maanad sa maong mga butang nga sama kaniadto. Makahimo Siya sa pagpahimutang sa Iyang mensahe ngadto sa walay alamag nga pundok, kay sa Iyang ihatag sa nagakalibog nga pundok nga maoy mopahimutang sa Ilang kaugalingong paagi nga walay makaplisado kanila, bisan gani ang Pulong sa Dios.

Ug karon, Cristohanong mga higala, mangutana ako niining pangutanaha., uban sa tumang kamatinud-anon ug gugma. Ambot lang kaha kung buhaton pa ba Niya ang samang buhat niining gabhiona, ug ipadala kanato dinhi niining kaliwatana ang gisaad nga Pulong nga gisaad anang niining kaliwatana, ambot lang kaha kung ang atong mga batid sa tiyolohiya, ug ang mga magtutudlo, ug ang manggialamon, dili ba isalikway ang mensahe sama sa ilang ginabuhay kaniadto? Ang tawo dili gayud mausab, ni ang Pulong sa Dios mausab. Siya mao ang dili mausab nga Dios, Siya dili mausab.

16 Himatikdi, nga ang mga Manolunda nanagpangabot. . . Ang mga Manolunda nanagpangabot ug mohatag sa ilang mensahe ngadto sa mga lalake nga ubos ug kahimtang, samtang dihay mga kalalaken-am nga labi pang (sa kalibutanong panghunahuna) takus kay niining mga kabus, nga magbalantay sa carnero nga walay alamag. Ang mga magbalantay sa carnero maoy labing walay alamag sa tanan; wala siyay laing gitinguha gawas sa pagkasayud sa iyang carnero. Wala siya makinahanglan nga masayud ug matimatika. Wala niya kinahanglan nga masayud kung unsaon sa—sa Mao ray iyang gusting mahibaw-an ang iyang carnero; mao lang kana ang gikinahanglan niyang mahibaw-an. Ug ang Dios, ang dakung maalamon, ug ang toburan ug gigikanan sa kaalam nagapili sa ingon nianang tawhana (mga tawo, diay, nga sama niana), ug labyan ang tanang binansay nga tinun-an nga gisanay sa pagpakaila niana. Kini nagpadayag ug usa ka butang, nga sila binansay sa sayup nga pamaagi. Gipanglabyan ang tanang mahinungdanon sa yuta, dihay mga tawong angayan, bantugang mga magtutudlo, sa Caipas ang labawng pari, ug daghan pang ubang tawong bantugan, ang tanang gamhanang tawo sa Israel, ang tanang mga denominasyon, ug ang tanang mga andakan ng mga batid sa tiyolohiya, gilabyan sa Dios ang matag usa kanila. Karon, mao kana ang kaalam sa Dios.

17 Himatikdi, nga kinahitas-an sa kalangitan nagdali sa pagpasidugngog sa labing kabus ug walay alamag. Ang kinahitas-an sa kalangitan nanaug aron ipahibalo ang Iyang kaugalingon ngadto sa kinaubsan sa yuta, nga milabay sa tanang kinataliwad-an aron sa pagpahibalo sa Iyang kaugalingon ngadto sa common nga mga magbalantay sa mga carnero; nanaug aron paghatag ngadto niining common nga mga magbalantay sa carnero ang labing dakung mensahe sa tanang kapanahonan. Diha nay bantugang mga mensahero. Atong mahinumduman sa adlaw ni Noe, ug sa mga profeta, u—ug ang mga bantugang mga pari, ug uban pa, diha sa mga nanaglabayng mga adlaw, ang bantugang mga tawong manggialamon, mga hari, nga inila, mga harianon, apan mianhi Siya uban sa labing dakung mensahe sa tanan. Unsa man ang mensahe? "Ang Mesiyas ania na karon." Nakita mo? Ug aron kana mahibaw-an, Iyang gisayloan ang tanang mga hanas aron ipahibalo kini ngadto sa kabus nga mga magbalantay sa mga carnero.

Hunahunaa lamang kini: ang tanang mga kaparian, ang tanang mga kadagkuan sa simbahan, ang tanang mga magtutudlo, ang tanang ma—mga tiyolohikanong pagkabinansay, ang tanang salapi nangagasto na, ang tanang mga kasimbahan, ug ang mga doctrina, ug ang mga denominasyon gipanglabyan ang tanan. Ang tanang mga pagtuon nga ilang gigastohan ang tanang—ang tanang mga misyonaryo, ug ang tanang pagpangabig, ang tanang mga pagpamembro, ug ang kutob sa unsay ilang gihunahuna nga mahimo sa pagpasidugngog sa Dios, apan ang yawi nga mensahe niining tanan milabay ra kanila. Kahibulongan, ngano man? Nakita Mo?

18 Ug himatikdi, nga dili kay kana ra, kondili nga ang usa ka talagsaon dapit sa maong panghitabo. Ang mga magbalantay sa mga carnero karon, maoy nakadawat sa mensahe. Ug karon, himatikdi diin moadto ang mensahe: didto sa labing dili talagsaong dapit nga ang matag usa nagpaabot niini nga moabot. Ug ambot lang, niining gabhiona, kung nagpaabot ba kita sa usa ka tinuod nga Mensahe sa Ginoong Jesus, ambot lang kung anaa ba kini sa usa ka pundok nga dili kasarangan, sa usa ka dapit, nga ang

bantugang, binansay pag-ayo nga kalibutan ug sa simbahan karon dili ba maghunahuna na usa ka panon sa—sa, oh, mga matootoohon? Ambot lang kung dili ba kana diin atong Makita Siya? Sa usa ka dili kasagarang dapit, ug sa dili madawat nga mamumulong. Ang mga magbalantay sa carnero walay laing hingbaloan sa pagpanulti, gawas sa pagtawag lamang sa mga carnero; tan-awa, tingalig maoy hinugdan didto kini moabot.

19 Apan dihay usa ka gikasaad nga Pulong. Himatikdi, nga mahitabo kana pag-usab. Kini molabay ra sa tanang mga talahuron nga gipangdayandayanan sa—sa pagkadoctor sa divinidad, ug—ug sa saykolohiya, ug—ug sa hatag-as nga mga edukasyon, ug dagkong mga cathedral ug uban pa, kadtong tanan gipanaglabyan ra ug didto gipadayag sa mga walay alamag. Ang kaalam, ang walay kinutubang kaalam sa Dios labing Gamhanan maoy nagpahigayon niini aron ipahibalo ngadto kanila ang dakung mensahe nga wala pa mahitabo sukad, “Ang Mesiyas ania na sa kalibutan.” Unsang kaalama, nga nagagikan lamang sa Dios ni Kinsa maoy nasayud sa kaalam. Ang tanang mga kaalam ug ang tanang mga pagtoon, ug ang tanan karon gihimo nang basura ug gilabyan sa dakong kaalam sa Dios. Akong gibalikbalik kana tungod kay buot kong matidlum kini sa kinahiladman. Ang tanan gihimong wala nay pulos, dili na kadto maayo.

Gipanglabyan niini ang tanan aron ang kaalam sa Dios makabaton ug kahigayonan, nga ang Dios mikuha sa walay pulos aron himuon nga mapuslanon.

20 Mahimong mohunong ta dinhi ug hisgotan si Juan. Mahimong mohunong ta dinhi ug hisgotan si Elias. Walay usang nasayud kung diin magagikan sa Elias. Ang ila lang hingbaw-an, nga igo ra siyang motungha sa eksena. Ang mga profeta sa kanhing mga kapanahonan, silang tanan mga inayran. Apan ang Dios mikuha niana, ug gipanglabyan a—ang mga kalagdaan sa simbahan, ug ang mga pagtulon-an aron—ipakita nga Siya mao ang Dios. Gihimo Niyang mapuslanon ang walay pulos, aron magbuhat ug usa ka butang uban nini. Iyang gipakita ang Iyang kaalam ug ang Iyang Kahupnganan sa Pagkadios pinaagi sa pagbuhat sa ingon, sa Iyang pagpanggamit sa mga mahuyang. Sa una Niyang pagbuhat sa tawo, igo lamang Siya mokuha usa ka umol nga lapok ug nagbuhat ug tawo gikan niini, diin walay lain kondili usa lamang ka lapok, apan gibuhit Niya kini nga usa ka tawo. Ug gikuha karon sa Dios ang mga mahuyang aron himuon mapuslanon. Ug samtang maghunahuna ta nga si kinsa kita, nandili ta magamit diha sa mga kamot sa Dios. Kinahanglan nga biyaan ta ang tanan tang hingbaloan ug natun-an. (Pasayloa ako.) Sama kanhi kang San Pablo, siya miingon nga ang tanan gihimo niyang walay kapuslanan aron maangkon niya si Cristo.

21 Ang tanan nilang mga pagtuon, ang tanan nilang mga pagpanudlo ug uban pa, nagapamuhat kanila sa tumang kangil-ad. Kini sa katapusan maoy naglimud Kaniya. Ang maong pagtuon nga ilang naangkon alang Kaniya, ug maoy mipalansang Kaniya.

Nasayud ka ba nga ang kasaysayan kanunay man kining magbalikbalik? Unsa kini ka dini malalis nga kamatuoran. Mahitabo ra kini pag-usab sa atong panahon. “Oh,” miingon kamo, “Kung mabuhi pa ko ...” Tan-awa ang inyong pagkabutang karon; ug Makita ninyo kung unsay inyong ginabuhit kanhi, tungod ka dili gayud malalis nga ipadayag kini.

22 Ginabansay aron motoo sa Iyang Pulong, ug sa dihang gipamatud-an na ang Iyang Pulong sa ilang mga mata, ilang gilimud ang Pulong nga gipamatud-an. Samtang gipamatud-an sa Diyos kung unsay Iyang ginabuhit, ug misulti kung unsay Iyang pagabuhaton, ug mipamatuod kung unsay iyang pagabuhaton, diha-diha mitalikud sila ug ginganlan nila kining Tawhana nga daotang espiritu, nga maoy nagtunglo kanila tanan. Pamalandunga kung unsay nagakahitabo. Hunahunaa kung unsay nakaingon kanila; ang ilang pagkabansay maoy nakaingon kanila dili pagpakaila sa maong Pulong nga nahimong unod sa ilang adlaw. Ang maong pagkabansay nga ilang naangkon sa ilang mga tulonghaan, uban sa maayong mga magtutudlo.

Ug miingon kamo, nga “Hinuon, dili kami mobuhit niana karon.” Sila maoy mga magtutudlo nga mga gamhanan kay sa ato karong—mga kadagkuan, diay, kay sa atong mga magtutudlo, ug nangapakyas sila. Wala silay siyam ka gatus ug kasiyamag-unom ka mga nagkalainlaing mga organisasyon sama sa atong naangkon karon. Adunay tulo lamang ang ilang naangkon. Ug diha sa tulo, ug niadtong tulo, wala niadtong tulo ang miila Niini. Kini igo lamang magpakita nga kung unsay ginabuhit sa tawo maoy binuang ra ngadto sa Dios. Nakita mo?

23 Karon, nangapakyas sila sa pag-ila. Niini. Karon... Ug ilang gibuhit ang mao rang

butang sa gihapon. Ang tawo... Ang katuyoan maayo, maayo kini sa kanunay. Ug ang tawo wala gayud mag-usab sa iyang pamarug; wala gayud siya kaayo mag-usab. Naghisgot ako sa mga kalalaken-an sa kalibutan. Ang tawo kanunayng magadayeg sa Dios, mga tawong relihiyoso, kung unsay Iyang nabuhat, ug kanunayng motudlo sa katawhan kung unsay Iyang pagabuhaton, ug unya nagalimud kung unsay Iyang ginabuhat. Nakita mo? Mao kana ang tawo; siya gihimo nianang kahimtanga; siya ingon niana kanunay.

Ug kamong mga nagabasa sa Biblia niining gabhiona hibaw-I nga sumala gayud kana sa Pulong, ug husto. Kanunay silang magadayeg sa Dios kung unsay Iyang nabuhat, nga magasulti kung unsay Iyang pagabuhaton, ug nagalimud kung unsay Iyang gibuhat. Mao kana ang batasan sa tawo.

24 Ang hinungdan nga ila kining gibuhat, ang mga magtutudlo, sa akong pagtoo karon; ilang gihubad ang Pulong, tungod kay silang tanan nanagtoo man sa umalabot nga Mesiyas. Ang tanang Israel nagatoo niini; hangtud karon gibuhat nila kini. Apan ang hinungdan nga wala sila makaila Kaniya, tungod sa Iyang mensahe nga dili sumala sa ilang eclesiastikanhong gusto. Ang il—ilang naangkon nga hubad sa Pulong, nga ang Mesiyas dili gayud magapadayag sa Iyang kaugalingon sumala sa ilang paghubad nga pagabuhaton Niya kini. Busa, ug tungod niini, wala nila Siya maila tungod kay wala man Kini mohaum sa ilang hubad. Sumala sa ako nang gikaingon kaniadto, ug sublion ko pag-ingon, "Ang Dios wala magkahinanglan kang bisan kinsa aron mohubad sa Iyang Pulong. Siya maoy Iyang kaugalingong Maghuhubad."

25 Karon, ang Biblia nag-ingon... Akong pamatud-an kini kaninyo karon nga kana mao ang Kamatuoran. Si Isaias nga profeta (pito ka gatus ug napulog-lima ka mga katuigan sa wala pa kini mahitabo), si Isaias nga profeta nag-ingon, "Ang usa ka ulay manamkon, ug magaanak ug usa ka bata." Sa walay duhaduha ang matag usa niadtong panahona nagdahum nga ang ilang anak na babaye mao kadtong babayhana, tungod kay gisulti man kini ni Isaias. Apan, nakita ba ninyo, nga pito ka gatus ka tuig una ang milabay. Apan sa dihang... Ang Dios wala magkinahanglan kang bisan kinsa aron maoy mohubad sa Iyang Pulong, kung kanus-a Niya kini buhata, o kung unsaon niya kini pagbuhat. Siya nagaingon nga Iya kining pagabuhaton, ug Iya kining gibuhat.

26 Ang Dios nagsaad nga Iyang—diha sa Isaias, usab, nagtoo ako nga diha sa capitulo 28, sa bersiculo 18. Ug usab diha sa Joel 2:28, nga sa katapusang mga adlaw, sa katapusang duha ka libo ka mga katuigan, Iyang igabubo ang Iyang Espiritu sa tanan nga mga unod. Siya nagaingon, "Ang inyong mga anak nga lalake ug ang inyong mga anak nga babaye magapanagna. Ang inyong mga batan-ong lalake makakitag mga panan-awon. Ang inyong mga tigulang lalake magadamgog mga damgo." Ug ang mga butang nga Iyang pagabuhaton, si Isaias miingon, Hinonoa sa lumalangyaw nga mga ngabil ug laing mga dila ako magasulti ngadto niining mga katawhan, ug mao kini ang Kapahulayan." Apan dili sila manimati niini. Ilang gilingolingon ang ilang mga ulo ug mitalikud niini. Siya nangaingon, "Ang tanang mga lamesa sa Dios nangapuno sa mga suka, ug wala nay using mahinlo," Ug kong dili man kana ang hulagway sa Jerusalem, ug ang iglesia niadtong adlawa sa pag-abot sa Mesiyas, nan mao ra sa gihapon karon ang hulagway. Mibalik ra kini sa iyang kaugalingon.

Karon, kung miingon ang Dios nga magbuhat Siyag usa ka butang, Iyang kining pagabuhaton. Bisang kung unsa pay hunahunaon ni bisan kinsa bahin niini, kung unsay ikasulti sa tawo, kung ang Dios magsulti ug usa ka butang, katungdanan Niya ang paghubad sa maong Pulong Mismo. Ug ang Iyang pagpaluyo sa Pulong mao kana ang kaugalingon Niyang hubad. Himatikdi, ang pagpaluyo sa Iyang Mesiyasnong mensahe. Nagsaad Siya kung unsay pagabuhaton sa Mesiyas inig-abot na Niya. Ug kung moabot na Siya...

27 Bisang ngani ang mga mago didto sa subangan mitan-aw paingon ngadto paingon sa habagatang kasadpan, diin didto sila sa Biblia, ug ilang nakita ang usa ka halangdong bituon... Nasayud ba kamo nga walay usa ka kudit sa kasaysayan bisang diin, ni may maniniid (diin ilang gibantayan a—a— ang panahon sa mga bituon, ang mga bantugang tawo nga nagtoon sa mga kabituonan)... Walay bisang unsang kasaysayan ang nag-ingon nga diha kanilay nakakita niadtong bituona. Ngano man? Tungod kay wala man kadto ihatag kanila; wala sila magapangita niadto. Apan kining mga tawong mago nasayud nga aduna gayuy usa ka Bituon ni Jacob nga mosubang, ug nagapangita sila Niini, ug nahitabo Kini sa panahon sa pagkatawo ni Jesus didto sa Betlehem.

Karon, nahibalo ako sa tong Cristohanong mga kalagdaan, sama ra kini sa atong mga kasimbahanan; daghay mga butang nagkalanrakas. Kung mogawas dinhi imong Makita nga adunay mga mago nga nagsimba sa bata; walay butang ungon niana diha sa Kasulatan. Duha ka tuig ang milabay usa pa sila makaabot didto, gikan sa mga kapatagan ug latas ssa Suba sa Tigris. Wala moadto sa pagsimba sa masuso, kondili sa usa na ka Bata nga hapit na magduha ka tuig ang panuigon. Nganong man niini, sa samang pagkaagi, gipapatay ni Herodis ang mga kabataan nga nagpanuigon ug duha ka tuig paubos, sa pagdahum nga iyang hisakpan ang Mesiyas? Nakita ninyo, sila... Ang Dios gipaluyohan sa Iyang Pulong.

28 Ug sa paghiabot niining mga mago didto sa Jerusalem... Ang bituon nagmandu kanila ngadto sa relihiyosong pangulo sa kalibutan, ang Jerusalem. Ug sa ilang paghisulod sa mga ganghaan, kadto bituon (kadtong talagsaon nga nagmandu kanila) wala na magpakita pa kanila. Ngadto nganhi sila sa kadalanan kining mga tawong matarung, mga tawong dato nga may sinapotan nga mga camelyo, ug uban pa, didto sa kadalanan nag ngadto nganhi nga nagaingon, "Hain man Siya matawo ang Hari sa mga Judio. Kay nakita namo ang Iyang bituon didto sa subangan." Ug kadtong dakung pangulo sa relihiyon, sa paghilabay sa duha ka tuig sa mensahe sa mga magbalantay, nagpabiling walay ikatubag o kasayuran bahin Niini. Ang Pangulo sa tanang mga denominasyon wala makabaton ug tubag.

Ug sa paghiabot niining mga mago didto sa Jerusalem... Ang bituon nagmandu kanila ngadto sa relihiyosong pangulo sa kalibutan, ang Jerusalem. Ug sa ilang paghisulod sa mga ganghaan, kadto bituon (kadtong talagsaon nga nagmandu kanila) wala na magpakita pa kanila. Ngadto nganhi sila sa kadalanan kining mga tawong matarung, mga tawong dato nga may sinapotan nga mga camelyo, ug uban pa, didto sa kadalanan nag ngadto nganhi nga nagaingon, "Hain man Siya matawo ang Hari sa mga Judio. Kay nakita namo ang Iyang bituon didto sa subangan." Ug kadtong dakung pangulo sa relihiyon, sa paghilabay sa duha ka tuig sa mensahe sa mga magbalantay, nagpabiling walay ikatubag o kasayuran bahin Niini. Ang pangulo sa tanang mga denominasyon wala makabaton ug tubag.

Busa nakapaukay kini sa Sanhedrin, ug ilang gipaanha ang mga Escriba sa pagbasa. Ug ilang gibasa ang sigulanon ni Maqueas, ang profeta nga nagaingon, "Ikaw Betlehem, dili ikaw mao ang labing ubos sa tanang mga princepe sa Juda (ang awit), apan gikan kanimo motungha ang magbubuot nga maoy magamando sa Akong katawhan ang Israel" Ug human sa pagbasa sa mga Kasulatan (ug nagpabiling gipamatud-an sa ilang mga mata), sa gihapon wala sila modawat niini, bisan pa kung magaingon na ang Kasulatan. Hilabihan ang akong pagduhaduha nga buhaton nila kini karon, kong ang mga Kasulatan nga gisaad alang niining adlaw igapadayag. Dili na akong mowali pa kaninyo pag-usab. Apan buot ko nga hisabtan niniyo kini. Sa gihapon dili sila motoo.

29 Unsang kadasiga niadtong mga magbalantay, ang mga Manolunda mikunsad aron magbalita niadtong mga magbalantay sa mga carnero, ang mga Manolunda sa Dios mikunsad aron mosulti ngadto niining panon sa mga magbalantay sa mga carnero.

Ambot lang kong nakahigayon na ba kayo sa—sa pagpakisulti sa usa ka magbalantay sa carnero o kaha nakauban ba kamo sa usa niana kadali? Kong inyong, dili na—nako kini isulti tungos sa akong igsusulti. Nangandam na ko sa pagsulti sa dili madugay, apan ang magbalantay sa carnero magpabilin kauban sa mga carnero hangtud nga bisan ngani mokatawa na sama sa carnero nga magbahihi, kung mosulti siya sama na sa carnero, ug ang iyang baho sama na sa carnero. Mao kana. Tungod kay nakiguban man siya sa carnero. Kana lang ang iyang hingbaw-an ang iyang carnero.

30 Karon, mao na ang gipaluyohan nga Pulong sa Kamatuoran. Samtang kining mga magbalantay sa carnero, ng mga kabus ug walay alamag nga mga tawo ... Unsa nga kadunganan, unsang ka takdu gayud kini alang sa usa ka magbalantay sa carnero nga modawat ug usa ka mensahe sa bag-ong natawo carnero. Dili kini moadto kang bisan kinsa kondili anha gayud sa usa ka magbalantay. Maoy hinungdan nga didto Siya matawo sa pasungan ug wala sa balay. Ang carnero dili sa balay ipanganak, o sa usa ka rosas nga dinayandayanan nga lawak sa hospital. Nakita mo? Adtu gayud sila mangatawo sa pasungan, ug didto sa kaomahan.

Mao kanay hinungdan nga gidala Siya didto sa Calbaryo. Dili mo mahimong

palatayon sa gamayng latayan ang usa ka carnero paingon ngadto sa ihawan. Nasayud ba kamo niana? Diha mga ilihawan, anaa silay mga kanding nga nagauna sa mga carnero. Ug kung makaabot na siya sa dapit nga patyanan, molukso siya ug maoy paunahon ang carnero. Ang carnero kinahanglan nga pagamanduan gayud; dili siya makadumala sa iyang kaugalingon. Busa tungod niini, kinahanglan nga ang mga magbalantay mao gayuy modulo sa iyang carnero. Sa dihang nakita na nila ang Dios—nga dianak tukma gayud sa giingon sa mensahero nga adto Siya, ug sa nakita na nila ang gimensahe—gimensahe sa mensahero didto sa pasungan tukma gayud sa giingon sa mga Manulunda nga adto Kini.

31 Karon, nakadungog akog mga katawhan nga nagaingon. “Usa ka Manulonda ang nakigsulti kanako; siya nagaingon nga mao kana ug mao kana.” Unsang ka kataw-anan usahay; ug nakadungog akog mga tawo nga miingon nga usa ka Manolunda ang nakigsulti kanila, ug misulti kanila ug mao kana ug mao kana samtang hingpit gayud nga supak sa Pulong. Karon, unsaon man sa Manolunda ang pagbuhat niana? Dili kini mahimo. Ug akong gisultihan kamo sa Dios nga adunay u—usa ka butang mahitabo (miingon kamo nga Siyay nagsulti niana), ug dili kini mahitabo, nan dili ang Dios maoy nagsulti kaninyo. Hinumdumi gayud; kay tinuod kana. Ang Dios dili mamakak. Siya dili hikaplagaan nga namalak.

32 Ug sa nakita na nila ang bata, unsang kalipaya ang diha kanila. Tungod kay ang Manolunda nga mihatag kanila sa mensahe, ila gaud nkita kini nga tukma sumala sa giingon sa Manolunda nga anha kini, ug diha sad pit nga giingon sa Manolunda nga anha kini. Unsang ka dakung butang kini.

Didto sa pasungan, kay ngano man? Tan-awa kung giunsa ang kasayon niining mga magbalantay didto sa pasungan? Unsa kaha kung ang usa ka batid sa tiyolohiya didto pa? Tingalig iyang kimpitan ang iyang ilong ug miingon, “Mopahawa ako ning dapita.” Nakita mo? Wala siyay dapit, mahimo siyang makaloluoy.

Apan, nakita ninyo, nga alang sa mga magbalantay sa carnero usa kini ka puloy-anan. Ang Dios nasayud kung asa ipadala ang Iyang mensahe. Nakita mo? Husto gayud kayo. Niining kahimtanga ang mga magbalantay didto usab, sa ilang pasungan kauban sa ilang Nating Carnero, sa usa ka gipaluyohan nga mensahe nga ilang nadungog. Unsang katahum, diha sa Presencia sa Mesiyas, ang gipaluyohan nga Pulong sa ilang mensahe. Sa pagkadungog sa mga magbalantay nga ang Mesiyas dinhi sa kalibutan, ug miduol sa Iyang Presencia, diha gayud Mismo sa ilang palibot, ug ilang nakita nga tinuod ang mensahe, didto gipaluyohan, kung unsay nakapahimo niadtong mga tawhana nga mobatig pangita nga ang Dios nagbuhat niining mga dagkung butang alang kanila.

33 Tan-awa ang mga eskolar walay ilang dapit didto, ubos niadtong maong kahimtang, ug sila nanagpamiya didto pagdali. Kay ngano man? Ang mga Mensahero didto motungha sa mga yanong magbalantay. Tingalig dili man ngani sila makahimog... kini sila... Ang ubang mga magbalantay tingalig dili man ngani makasulat sa kaugalingon nilang ngalan, sa walay duhaduha.

Nsayud ba kamo, nga ang mga magbalantay nga gipili ni Jesus samtang dinhi Siya sa kalibutan aron magbantay sa Iyang mga carnero, “Gihigugma mo ba Ako, Pedro, labaw niini?” “Oo, Ginoo, Ikaw nahibalo nga gihugugma ko Ikaw.”

“Pakan-a ang Akong mga carnero.” Ug ang Biblia nag-ingon nga si Pedro usa ka ignoranteng tawo ug walay hibalo. Sa gihapon nagpilig mga magbalantay sa mga carnero...

34 Ang mga sakop sa simbahan niadtong mga adlaw, ug ang mga kaparian, ug ang mga maayong pagkabinansay nga katilingban niadto adlaw nanghiwani didto sa pasungan. Karon, wala kayo ako makasiguro nga daghan kaninyo ang makasabot (tingalig, kamong mga siyudadnon) kung sa unsa mahisama ang kabaho ang Judeanhanong pasungan, kung sa unsa kini mahisamang tan-awon, sama sa mga mananap diha sa pasungan, ug kung unsa kini. Tan-awa, ang kadaghanan niining mga inila karon mahiwani didto, bisan ngani pagsulod lang sa pultahan dili sila mosulod. Apan gikahimuot sa Dios pinaagi sa Iyang walay sukod kaalam ang pagpadayag niini ngadto sa mga modawat niini. Ang mga eskolar, ug mga manggialamon niadtong adlaw sa tinud-anay dili gayud modawat Niini. Mamahimo unya silang tinamay kung hisakpan didto sa maong dapit.

Tan-awa,ang nahauna, mao nga kong mobalik sila sa ilang simbahan, ug himatud-

an nga sila mitambong sa maong tigum, ug mitoo sa usa ka pundok sa mga walay alamag nga mga magbalantay sa carnero nga nagdala mong kahibolongan, palagputon gayud sila gikan sa ilang simbahan. Isalikway sila gikan sa kapunongan sa Betlehem, kong hisakpan sila nga maminaw sa mga walay alamag nga katawhan sama niining mga magbalantay sa carnero. Tamayon, a walay duhaduha tamayon sila. Kong makigkauban sila niining mga tawong komon, ug mo—modawat sa maong mga pagpatotoo sa pagtoo nga ang Dios nagdala sa Iyang mensahe ngadto sa mga walay alamag nga panon sa mga magbalantay, samtang ila nang giandam ang tanan alang niini. Mawala sila sa ilang pagkamembro; ilang ihatag ang ilang mga papeles, ug dili gayud ilhon sa katilingban sa ilang pundok niadtong adlaw; tungod kay nakig-uban man sila sa maong butang ug wala sa maayong pagpanabot.

35 “Mapangahason ka” maoy isulti sa pari. “Mianhi ka dinhi sa akong santuario uban nianang pagpatotoo, uban nianang mga binuang, kanang mga walay alamag nga tawo sa lasang nga wala—wala ngani ma—makaagig kartilya. Ug motoo sa maong mensahe nga Manolunda mitungha ug misulti kanila.

Apan unsa kaha kung tawo miingon, “Nakita ko nga kining mensahea gipaluyohan”?

Siya motubag, nga “Ihatag kanako pagdali ang imong mga papeles. Ug pahawa niining maong kapunongan.” Ang panahon magkausab-usab, apan ang katawhan dili gayud. Mahimong mahitabo ra kini niining panahona; nga sila palagpoton gikan sa ilang mga kasimbahanan.

36 Apan ang mga magbalantay mibatig katagbawan didto sa maong dapit kauban sa Nating Carnero sa Dios. Ug si bisag kinsa nga maayong magbalantay magabuhat sa samang butang. Kung maayong magbalantay sa carnero makakita sa Pulong sa Dios nga gipahayag ug gipaluyohan, kung unsay Iyang gisaad nga pagabuhaton, kanang maong magbalantay nahibalik sa puloy -anan. Dili ko tagdon bisag unsa pay ikasulti sa uban, anaa ang Dios maoy nagbuhat niini.

Sila miingon, nga ang mga adlaw sa milagro nangagi na. Walay butang nga ingon nianang bautismo sa Espiritu Santo, alang ra kadto sa mga apostoles.”

Apan pasagdi nga ang tinuod nga magbalantay sa Pulong mowali Niini, diha sa gahum pagkabanhaw, nga si Jesu-Cristo sa mao sa gihapon kagahapon, karon, ug hangtud sa kahangturan ... Si Pedro miingon sa adlaw sa Pentecostes, “Kay ang saad alang kaninyo, ug sa inyong mga anak, ug kanila nga atua sa halayo, bisan sila nga pagatawgon sa Ginoo nga atong Dios.” Diin ngani Siya magtawag, ang saad ug ang samang panalangin tinuod. Ug pasagdi nga ang tinuod nga tigpakaon-sa Pulong nga magbalantay makakita nga gipaluyohan, nga bias gani ang tanang mga batid sa tiyolohiya sa tibuok kalibutan dili makaagaw niini gikan sa kaniya; tungod kay nasayud siya nga ang Dios maoy namulong, ug mahitabo kini. Kana lang. Maoy kana kanunay ang Pulong sa Dios.

37 Ang Iyang Pulong nahimong unod ug mipuyo uban sa kanila, ug wala sila mahibalo Niini. Iyang gisaad ang mao rang butanga niining adlaw. Ambot lang kaha kong makaila ba kita Niini? Ang mapahitas-on ug manggialamon dili gayud makadawat sa maong butang sama niana. Ug motoo lamang sila kon anaa may butang sama nianang butanga nga ang Mesiyas moanhi sa kalibutan, kay Kini moabot gayud diha sa ilang denominasyon. Ang ilang pundok maoy modawat Niini, o kaha “dili Kini mao.” Karon hunahunaa pag-ayo. Kay kon dili man sa ilang pundok, nan ... Inyo bang hingmatikdan? Ang Dios wala gayud magpili bisan kang kinsa gikan sa ilang pundok, kondili nagpili Siya niadtong walay kadugtongan sa bisan kinsa niini. Tungod kay ang usa ka pundok miingon man, “Nakita ba ninyo kung unsay among gibuhat?” Ug ilang gibuhat ang samang butang karon. Apan maoy gipili sa Dios kadtong dili inila; maoy kanay hinungdan nga Iyang gipili ang magbalantay. Ang mga magbalantay hinggpit nga diha sa balay kauban sa nating carnero sa Dios nga diha sa ilang taliwala, ang Iyang Pulong nga nahimong unod diha kanila. Ang mapahitas-on ug ang manggialamon dili makadawat Niini, mao nga gilabyan ra sila.

38 Ug sa makadaghan makasulti ta alang niining adlaw karon, o sa laing panahon. Managsama rang butanga sa mga adlaw ni John Wesley. Mao rang butanga sa mga adlaw sa mga Pentecostal. Apan ang Dios wala magpabilin diha sa tawo. Iyang gipalihok ang Espiritu dihadiha aron pagpamatuod sa Iyang Pulong. Kinahanglan nga mahitabo

gayud kini ug miadto sa hut-ong sa kaugalingon nilang concillo o wala nila kini dawata. Maingon nga nagmasukihon sila karon, ang tanang mga kasimbahanan, nga ilang pabuhaton ug ingon niini ug niana, ug gihiusa ang tanang mga kasimbahanan. Kong nagapangita silag usa ka mensahero karon, kinsa makahimo paghiusa sa mga Protestante, mga Catoliko, ug ang orthodox, pagtingub sa tanan, aron himuong dakong simbahan ...

39 Karon, mga igsoon, nakaangkon akog kahigayonan sa pagwali ngadto sa gatusan ka nagkalainlaing mga relihiyon, ug adunay mga maayong tawo diha kanila tanan. Apan karon, nahinumduman pa ba ninyo, nga nanagna ako, nga " Ang matag organisasyon modawat gayud niini, o kay kondili dili mahimong organisasyon. Pugson ka niini." Inyo bang hingbasahan ang balita karon sa Tucson diin ang mga paring Catoliko mitabang sa pagordina, didto sa Missouri, sa usa ka pastor sa Protestante? Ug kinsa man kadtong miila niini? Mga Presbyterian, Baptist, Lutheran , ug Assemblies of God. Mao kana ang balita sa Tucson Karon.

Oh, mapakakugang kini. Nga dili kon ang mga kalalaken-an nga atua didto; sila nga mga ecclesiastikanhon, mga mahariharion nga mga ulo moy magtuig sa butang didto, ang sistema nga maoy magtukmod kaninyo niini kung nagkinahanglan ka ba niini o wala. Dili ka unya usa ka kapunongan ug makalikay sa kapungot nga umaabot dinhi sa ibabaw sa yuyu, ug makakita kon dili ba kana husto. Mahimong wala na akong mahitabo man kini; tan-awa ang usa sa mga teyp niini. Ug kon dili man kini, nan usa ako ka mini nga saksi. Ug kon mamamo man, nan K amatuoran ang akong gitug-an.

40 Ila Kining gitawag nga usa ka matang sa buhat sa daotang espiritu batok sa ilang matin-aw nga panghunahuna. Daghan kag hidunggan karon bahin sa matin-aw nga panghunahuna: itumong mo lamang ang imong salabotan sa bisag unsang butang, ug paghunaghunag positibo niini.

Ang yawa makahimo niana. Adunay usa lamang kabutang ang nagamandu sa tanan, ug mao kanang Pulong sa Dios. Kong naghunahuna kag supak sa Pulong, nan hikalimti angt imong gihunahuna. Pamalandonga ang Pulong.

"Ang Mesiyas," naghunahuna sila nga, "dili kadto hikaplagnan sa ingon niadtong dapita, sa ingon nianang kahugawa." Mapamalandong mo ba ang usa ka mayo, ang gamhanang labawng pari, o tinugyanan sa simbahan, tanan mayo sa tiyolohiya, moadto sa pasungan nga napuno sa kinalibang, ug unya modawat sa mensahe sa usa ka kabus, tinamay nga magbalantay nga walay educasyon, ug moanha, ug miingon "Tan-awa, ipamatuod ko kini kaninyo; nga kini mao ang Bata; mao ba kini ang Mensahero?"

Ug nasayud ba kamo kung unsay isulti sa mga katawhan? "Ang maong tawo matinud-anon; mayinud-anon siya kayo kung unsay Iyang gisulti, apan nasayup lang siya kayo."

41 Nakakita akong mga tawo nga nagpuyo ug maayong kinabuhi hangtud nga ang mga tawo dili makatoo, walay ikasultig bisan unsa bahin kanila, apan hinuon miingon sila "Sayup siya sa hingpit. Wala siya masayud kung unsay iyang gipanaglitok. Ang Dios, dili Siya mobuhat ug butang nga ingon niana."

Apan ania karon aduna silay kalig-onan. Ug human sa kalig-onan, "Lakaw ngadto sa pasungan ug tan-awa kung wala ba didto ang Bata."

Sila miingon, "Ikaw giyawaan sa pipila ka mga daotang espiritu nga maoy nagpalitok kanimo niana." Ngani sumala kini sa Pulong sa Dios. Ug hilabihan ang ilang pagkabuta aron dili makakita niini, tungod kay ang ilang mga tilohiya maoy nagbuta kanila. Unsang kamakatalagmanon.

"Makita ba sa maong dapit? Sa maong kahugawan nga sama niana? Didto sa pasungan? Samtang anaay ilang matahum nga dapit alang Kaniya nga maoy abtan, giandam na nila ang tanan alang sa Iyang paghiabot, ug unya maghunahuna nga manaug Siya (ug moadto) ug dili padad-on ang ilang mga magtutudlo sa mensahe, ug ihatag Kini ngadto sap anon sa walay alamag nga mga magbalantay sa carnero? Ug dayon dad-on ang kaugalingon Niyang Anak, ug gipakatawo Siya didto sa u—usa ka pasungan, usa ka komon nga pasungan? Tan-awa, didto sa u—usa ka pasungan sa mga dagami? Aha, dili kini mahitabo." Dili sila motoo Niini, tungod kay ubos ra kaayo Kini.

42 Ug yano ra Kini kayo, maoy hinungdan nga kanunayng dili Kini Makita sa manggialamon. Yano ra Kini kayo, gipakaulawan sila niini. Nangita silag usa ka Dios

didto, samtang ania ra Siya dinhi. Nakita mo? Nagapangita silag butang didto sa halayo, samtang ania ra kini dinhi kauban nila karon: Si Cristo ang nabanhaw gikan sa patay, nga mao sa gihapon kagahapon, karon, ug hangtud sa kahangturan.

Ang tanan nilang dagkung mga butang gipanglabyan lamang. Apan sa tinuod mao kini ang Kamatuoran, nga anaa didto ang Mesiya. Nahibalo ta niini karon. Ato kining gidawat karon.

Apan kung ang Dios magsaad ug usa ka butang alang niining Paskoha, nagsaad ug usa ka butang alang niining adlaw, ug gipamatud-an nga natuman kini, ug sa gihapon motalikud ta gikan niini, sama rat a kanilang matanga kaniadtong adlaw nga gilabyan niini, tungod kay wala man kini—moabot sa atong denominasyonalhong kinaham. Mao hinungdan nga nagkaguliyang ta niining Paskoha.

43 Si Jesu-Cristo dili patay; buhi Siya. Ania Siya dinhi karon. Ang Biblia nag-ingon nga Siya mao sa gihapon kagahapon, karon, ug hangtud sa kahangturan. Siya nag-ingon, diha sa San Juan 14:12, “Ang nagatoo Kanako (dili kay ang magpakaaron ingon-nga motoo, siya nga nagaingon nga mitoo siya.)... Ang motoo Kanako, ang mga buhat nga Akong ginabuhay iya usab pagabuhaton. Ug labaw pa gani niini ang iyang mabuhay, tungod kay moadto Ako sa Amahan.” Ug nakita Ko Siya sa kaugalingon kong kinabuhi nga nagbuhay ug labaw pa sa samang buhat nga Iyang ginabuhay kay sa nahisulat sa mga panid sa Biblia. Ug miuswag kini sa ibabaw sa ulo ug sa manggialamon karon, ug gipadayag kini ngadto sa mga masuso ug sa mga hungog, sama sa giampo ni Jesus. Tinuod kini. Nagbuhay Siyag labaw pa sa Iyang... Nakita ko sa akong mga adlaw, ug sa akong katloag-tulo ka mga katuigan sa akong pagpamuhay, nakita ko Siya nga namuhay ug lbaw pa kay sa akong hingbasahan bahin Kaniya nga namuhay diha sa Biblia: labing pang daghan nga managsamang butang.

44 Apan bisan kung unsa pay Iyang ginabuhay, sa inyong paghunahuna motoo kaha Kaniya ang Sanhedrin? “Hinunon,” sila miingon, “ikaw nga espiritista.” Apan, sutaa, kung diin sila mangasayup kondili sa pagpangita—sa pagpangita, dili sa unsay giingon sa ilang kredo, kondili kung unsay giingon sa Pulong nga pagabuhaton sa Mesiya sa ilang adlaw. Diha niana kita mangasayup ning adlaw, ang wala pagsusi sa mga Kasulatan. Si Jesus miingon kanila, “Susiha ang mga Kasulatan, kay diha Kanila naghunahuna man kamo nga makabaton sa Kinabuhing Dayon, ug mao Kana Sila ang nagpamatuod Kanako. Sila maoy magtug-an kaninyo kung Kinsa Ako.

45 Himatikdi, nga ang Dios nasayud nang daan nga ilang buhaton kini; mao kanay hinungdan nganong Iyang gidala kini ngadto sa mga magbalantay sa carnero. Nasayud Siya nga dili sila mobuhay niini; dili sila modawat niini. Karon nakita nab a ninyo kung nganong sa mga magbalantay man? Nganong sa mga magbalantay man sa carnero? Ang mga batid sa tiyolohiya dili modawat niini. Nganong sa mga magbalantay na man usab sa carnero? Nahisupak ba kini sa Iyang Pulong? Wala. Mga magbalantay sila, sila makasabot sa mga carnero; ug mao kanay hinungdan nga natawo Siya, nga usa ka Nating Carnero. Himatikdi, nga Siya usa ka Nating Carnero. Sila—sila ra maoy bugtong matang makadawat Kaniya. Ang magbalantay mao ray bugtong makadawat sa Nating Carnero. Nahibalo sila kung unsaon pag-atiman niini, ug mao man usab kini karon kung atong dawaton ang Mensahe sa Nating Carnero.

46 Karon, ang makapakugang... Ang labing mapaubsanon, wala alamag nga mga tawo nga nagdayeg kang Emmanuel diha sa pasungan. Ang labing... Ug dihay mga katawhan didto sa samang mga adlaw, nga nagatudlo sa ilang mga tiyolohiya. Dagkung mga panon, ang nagsingat bisan diin, gikan sa tinuok nasud, nanagpangalahad sila nga giingon ni Jehova nga usa ka kabaho sa Iyang ilong. Ug ania karon ang mga kabus nga magbalantay didto sa pasungan nagdayeg kang Emmanuel: Ang Dios Mismo nga nagpakatawo sa unod ug naghigda sa pasungan. Tan-awa, kung giunsa nato uban sa atong mga hingkat-onan, ug ang atong mga ulo gilingiw ingon sa nasayud tag usa ka butang, ug gilabyan sa Dios ang tanan. Nakita mo? Iyang gibuhay ang unsay Iyang gisaad nga pagabuhaton, ug kanunay Niyang buhaton kana. Apan pamalandunga kining mapaubsanong mga magbalantay karon didto nanagdayeg kang Emman—Emmanuel didto sa pasungan. Usa kini ka makapakugang. Tinuod.

47 Nan gikan... Human sa ilang pagdayeg Kaniya, ug namatud-an nga ang mensahe nga ilang giwali gipaluyohan, didto sila—nanagdayeg sa Dios uban sa labing talagsaong mensahe sa usa ka Manolunda. Karon, itandi kana ning panahona. Hunong kadyot ug

pamalandunga. Ang mga katawhan sa gawas nanagsimba sa Dios ug nanagdayeg Kaniya sa ilang nakita, sa unsay ilang nadungog, kung unsay ilang hingbaloan nga Kamtuoran, uban sa Mensahe nga talagsaon alang sa utokan sa panghunahuna... Supak Kini sa tanang ecclesiasticanhong panghunahuna, apan kini maoy Kamatuoran. Kini maoy Kamatuoran. Mitoo sila niini. Ug karon, maisip mo ba kung unsang ka buang ang kalaam sa tawo? Ug miingon nga usa ka panon sa Manolunda ang miawit kanila sa awit sa pasko. Isayonan ka niana? Nga ang mga magbalantay sa carnero nga dili gani makasulat sa iyang ngalan, nga manimaho samag carnero, nagsuroysuroy sa kalsada, nga nagadayeg, "Himaya sa Dios sa kahitas-an. Kami nahibalo nga Siya ania sa kalibutan,"

Apan pari miingon, "Kanang tawhana nawad-an sa iyang maayong kaisipan. Tan-awa ang mga libro ug susiha kong sakop ba siya sa atong congregasyon. Nagpakaulaw lang siya kanato tungod kay nianang walay hinungdan nga pagpanudl. Palagpota siya gikan kanato. Arpn dili kita maulawan sa mga katawhan.

Nan, mahimong maulawan ka taliwala sa mga katawhan ug himayaon sa panan-aw sa Dios, o magpili ka sa imong gusto; tungod kay, hinumdumi, nga ang ecclesiasticanhong kinaham niining adlaw dili gayud mohaum sa Pulong sa Dios. Didto dihay siyam ka gatus ug kan-umag-siyam nga mga nagkalainlaing mga kinaham niini. Kini ma ang usa ka kinaham, usa ka Pulong, usa ka Dios. Kana lang.

48 Miingon nga ang mga Manolunda miawit sa awit sa pasko ngadto kanila, ug miingon pa nga sila nakadawat ug mensahe gikan sa usa ka Manolunda. Ug usa ka Manolunda ang mipakita kanila ug mihatag kanilag usa ka mensahe, ug nanglakaw sila ug hingmatud-an nga kadto mensahe tinuod. Ug miingon pa, "Gawas pa niana, ang Manolunda miawit sa unang pasko kanamo."

"Makaako ka ba?" Nga sila miingon, "Kanang tawong kabus." Walay bisan unsang butang nahitabo kanila nga sama niana diha kanila, nahibalo kamo, busa usa kini ka talagsaong doctrina kanila. Mao kanay hinungdan nga dili kini nila hikaplagaan diha sa mga Kasulatan; dili kini alang kanila ang pagpangita niini. Dili katoohan alang sa mga manggialamon, walay ingon nianang kasinatian ang nahitabo kanila sukad. Dili ka katoohan, apan nagpabilinkadto nga Kamatuoran. Kini mao ang Kamatuoran. Hunahunaa. Ang unang mga kinabig ni Cristo ug ang unang cingregasyon mao ang mga magbalantay, dili mga tinugyanan sa simbahan; mga magbalantay sa carnero, magbalantay sap anon sa carnero. Nganong mga magbalantay man? Ha.

49 HImatikdi. Didto sa gawas nanagdayeg ug nanaghimaya sa Dios sa unsay ilang nangakita hingdunggan, nakadungog sa mga Manolunda nga nagaawit sa una nilang higayon ngadto sa tawhonong linalang. Ang mga Manolunda dili gayud moawit kaniadto ngadto sa tawong linalang. Ug tan-awa ang panon sa mag-aawit, kung giunsa nila pagtindog ug pagkabinansay ug ang pagkabansay nianang mga tingog; nagaawit sila sa pagkatawo sa Mesiyas; ug silang tanan gipanglabayan ra. Ug ang mga Manolunda mikunsad ug miawit ngadto sa komon nga mga magbalantay sa carnero, dili ngadto sa mga pari nga nakasutana, kondili didto sa mga magbalantay sa carnero nga binistihan. Ug tan-awa kung kinsay nakadawat sa unang mensahe; dili kini katoohan.

Ug diin man kadto gihatag, wala sa mga cathedral, kondili didto sa kamingawan, didto sa kamingawan diin ang Manolunda sa Ginoo miabot; dili sa simbahan, kondili didto sa kamingawan. Wala gani Siya dawata sa simbahan. Maoy ilang pagtoo nga anha Siya, ug nagtoo sila nga naangko nila kini, apan gipamatud-an sa Dios nga kadto sayup. "Makahimo Siya sa pagpatindog niining mga bato nga mga anak ni Abraham." Husto kana.

50 Sa unang higayon nga ang mga Manolunda miawit sa pagsaulog, nga didto kanhi sa langit. Kung inyong tan-awon diha sa Job 38:7 (ingon sa nakita ko nga ang uban kaninyo nagsulat), sa unang paglaraw sa Dios sa paglalang sa Iyang unang kabuhata, sa kalibutan... Si Job bantugan, tawong maalamon, ug nakabaton siya sa tanang matang sa kaalam. Siya miingon, "Kung moadto ako sa mga taboan, ang batan-ong mga pricesa, silang tanan moyukbo sa atubangan ko, ug gusting mamati kadiyot sa akong kaalam." Ug dili niya mahulagway kung nganong gitagad man siyag ingon niana sa iyang pagkamao.

Ug gisultihan siya sa Dios, nga nagkanayon, "Baksi ang imong kaugalingon sama sa usa ka tawo, tungod kay moabot aron makigsulti kanimo." Ug sa pagpakanaug na sa

Dios diha sa usa ka alimpulos, Siya miingon, "Job, diin ka man sa dihang gipahimutang ko ang mga sukaranan sa kalibutan? Sa dihang ang mga bituon sa kabuntagon nanag-ambahan sa pag-awit, ug ang mga anak sa Dios nanagsinggit sa kalipay, diin ka man kaniadto, Job?" Ug niadtong panahona siya nahugno. "Diin ka man?"

Tan-awa, sa unang higayon nga ang mga Manolunda nanag-awit sa pagsaulog, didto sa langit. Apan ang unang higayon nga nag-awot sila dinhi sa yuta ngadto sa mga magbalantay sa carnero sa pagkatawo sa Dios, and Emmanuel dinhi sa kalibutan, ang unang tawong mga linalang nga nakadungog ang Manolunda nanag-awit mao ang kabus nga mga magbalantay sa mga carnero.

51 Kung mokuha ta sa atong mga kababyen-an nga minik-apan ang mga nawong, pugdol ang buhok, nanagsul-ob ug mga purol, ug gisul-oban ug mga kupo sa simbahan, ug mitindog ug moawit sama sa unsa, ug gisul-oban ug mga kupo sa simbahan, ug motindog ug moawit sama sa unsa, ug naghunahuna ta nga ang Dios mamati niana? Anaa Siyay mga Manolunda sa unahan ng makatagad Kaniya sukad sa—sa wala pa Siya magbuhat ug tawo. Uh-huh. Mipahawa, ug nagpuyo ug nagsul-ob ug mga bisti nga dulomtanan sa Dios, ug unsaon mo sa pagpakaingon nga iya kana sa Dios? Kamo miingon, "Hinupon, sakop ako niana..."

Diin ka man sa dihang gipahimutang Ko ang mga patukoranan sa kalibutan? Tug-ani Ako sa dihang akong gipadapat sila. Hain man ang mga tuyokanan nga ilang ginaliso? Diin ka man?" Nagtoo ka ba nga pangutan-on ta sa Dios sa atong kaalam. Ang atong kaalam maoy usa lamang ka binuang Kaniya. Iyang ginabuhat ang unsay Iyang giingon nga Iyang pagabuhaton.

52 Karon, himatikdi. Kay ang Dios nangandam na aron magbuhat ng lain pang kabuhatan. Naglalang Siya ug madunot ra nga kalibutan, ug kinabuhing may katapusan. Ang mga Manolunda nanag-awit didto sa langit. Apan dinhi Siya nagalalang ug usa ka bag-ong Kinabuhi, Kinabuhing Dayon alang sa tawo, ug miawit Siya ngadto sa Iyang mga ginsakopan pinaagig mga Manolunda: dinhi sa kalibutan, dili didto sa langit. Ang langit nakabaton sa Kinabuhing Dayon. Nakita mo? Ug Siya miawit...Sila miawit ngadto sa kalangitan, sa dihang misulod ang may kamatayong kabuhatan; ug dinhi niini ang walay kamatayong kabuhatan misulod, ug karon silang tanan nanagawit sa kalibutanong mga katawhan: sa unang higayon ngadto sa mga magbalantay sa carnero. Makapakugang, dili ba?

53 Iyang gisugdan ang usa ka bag-og kabuhatan. Unsa man kini? Kabuhatan sa Iyang kaugalingon. And Dios nahimong unod ug mipuyo uban kanato. Mao kanay...Ang Biblia nag-ingon, "Sa sinugdan sa kabuhatan sa Dios..." Ang Dios gilalag sa dagway sa tawo; diha kang Jesu-Cristo, nga Iyang Anak, ang Dios mipuyo. Siya nagbuhat sa Iyang tabernaculo nga unod ug mga bukog, ug mipuyo sa tabernaculo: Dios, Emmanuel, "Ang Dios uban kanato." Nagtukod Siya ug Iyang kaugalingong balay aron puy-an kini, aron Iyang ikapadayag ang Iyang Pulong ngadto sa Iyang mga ginsakopan pinaagi niana. Makaila ka kung unsa ang Dios kung Makita mo si Cristo.

54 Hinumdumi, nga sa kanunay aduna gayuy mga pag-awit kung matawo ang hari. Pila man ang nasayud niana? Dayag na lang, nga nasayud kamo. Nan, karon, sa inyong pagtoo nga kong kining Hari gipanganak pa didto, adunay bay babaye ang modalagan ngadto sa cathedral, ug miingon, "Pagbuhat ug higdaanan padali, ug pagkuhang mga doctor, tungod kay dad-on ko si Emmanuel dinhi sa kalibutan"? Usa ka kabus nga babaye nga taga Nazaret, ang labing kabus nga siyudad, ang—labi pang ubos kay sa Tucson o sa bisag asa niini kanila, apan kining usa ka gamayng babaye miadto pagdali ngadto sa labawng pari ng miingon, "Umaanak na a—ako kang Emmanuel." Ila gayud siyang itambog sa bilangoan. Bilangoon gayud nila. Siguradong ilang bilangoon. Ang ingon nianang mga pagpatotoo dad-on ngadto sa iyang mga katawhan, dili siya makaantus niini. Ni mahimo kini niya karon. Apan mao kining panghitabo, mao ra.

55 Himatikdi, nga aduna gayuy mga pag-awit. Ang mga hari...Wala gayud Siya awiti. Ang mga katawhan wala gayud moawit Kaniya, tungod kay wala man sila motoo Kaniya. Ug mao kanay hinungdan...Ania karon, mahimong hisabtan ninyo kini. Mao kanay hinungdan karon nga ang mga katawhan maulaw sa pagdayeg sa Dios; tungod kay maulaw sila kang Cristo. Ang dagkung mga cathedral dili gayud modawat sa bautismo sa Espiritu Santo; napahimutang na sila pag-ayo sa ilang ecclesiastichong pamaagi nga tungod niini dili sila makadawat niini. Ang mangitag tawo aron madayeg Siya.

“Makahimo Siya niining mga bato pagpatindog nga mga anak ni Abraham,” sumala sa akong gikutlo pag-usab kang Juan.

Himatikdi, nga ang Iyang mga ginsakopan maoy moawit Kaniya. Ug ang Iyang mga ginsakopan mao ang Iyang mga Manolunda, ug miawit sila ngadto sa Iyang mga magbalantay sa carnero nga maoy modala sa Iyang mensahe.

56 Kinsay unang mamati niini? Natural, ang Iyang mga ginsakopan. Mao kanay mamati makadungog nga giawitan ang Hari, ang Iyang mga ginsakopan. Ug unsa man ang Iyang mga ginsakopan? Ingon sa makapakugang, dili ba, mga igsoon? Dili ang Iyang mga pari. Dili ang mga batid sa tiyolohiya. Mao kana. Dili ang mga katawhan sa denominasyon. Dili, kondili ang mga magbalantay sa carnero. Ngano man? Kay anaay usa ka carnerong natawo; mao kanay hinungdan. Nakita mo? Ang Iyang mga ginsakopan nakadungong niini, kinsa nahibaw-an sa Dios nga motoo niini. Ang Dio nagpadala sa Iyang mensahe kanila nga motoo niini. Ang Iyang tanang kaalam; nahibalo Siya kung asa ipadala ang Iyang mensahe, kanila nga motoo niini. Ang Kinahitas-an sa langit gipadala ngadto sa kinaubosang tawo dinhi sa kalibutan.

Si Jesus miingon, sa Mateo 5, “Bulahan ang mga kabus sa espiritu, kay ila ang Ginghamian sa langit.” Si Maria, diha...Kong inyong gisulat ang mga Kasulatan, anaa kana sa Mateo 5. Ug kong inyong gisulat ang mga Kasulatan...Mao kanay akong gisulat dinhi, ang Kasulatan.

57 Si Maria miingon, diha sa Lucas 1:52, sa dihang gidihogan siya sa Espiritu, ang Espiritu Santo diha kaniya, siya miingon, “Iyang gituboy sila nga ubos ug kahimtang.” Gisulti kana ni Maria, ang inahan ni Jesus, miingon, “Iyang gituboy sila nga ubos ug kahimtang.”

Si Lucas miingon usab, “Ang komon nga mga katawhan namati Kaniya nga malipayon.” Dili a—ang mga dato, ni a—ang mga batid sa tiyolohiya, ni ang mga doctor sa balaod ug sa pagkabalaan; kondli ang komon lamang nga mga katawhan maoy namati Kaniya nga malipayon, mga katawhan nga ubos ug kahimtang.

Dinhi sa tibuok nga balaan Kasulatan, ang mensahe sa katubsanan gitugyan lamang pinaagi sa magbalantay sa mga carnero ug sa mga carnero.

Karon, hapit ko na tapuson, tungod kay ang atong panahon nagkahinapus na. Ako nang gipanglabyan ang daghang mga Kasulatan aron lamang madala ko kamo niining maong tumong.

58 Sa tibuok nga Kasulatan, ang katubsanan gitugyan lamang ngadto sa mga magbalantay sa carnero ug mga carnero. Husto kana. Kitang miuyon niana. Ngano man? Tungod anaa kini sa landing ug tipo. Ug ang bisag unsa pa...Kong nakita ko ang akong kamot, ug tan-awan ko ang landong sa akong kamot, ug makita ko ang lima ka mga tudlo sa kamot, nan hibaloan ko kini naglandong lamang, ang negatibo naglandong sa positibo. Ug maoy hinungdan nga ang mensahe kanunay gayud moabot nga—ang katubsanan pinaagi sa carnero, tungod kay mao kana sukad pa sa sinugdan. Ug pinaagi kadto sa carnero, ug pinaagi sa mga magbalantay, ug Iyang gipadayag ang Iyang kaugalingon. Ang tanan lunsayng mga landong ug mga tipo.

59 Karon, tan-awon ta sa sinugdanan. Si Adan ug si Eva, didto nagtindog sa Atubangan sa Dios aron mamati sa Iyang mensahe kanila, sila adunay mga bisti sa ilang hawak ug panit sa carnero. Ang unang mensahe nga hingdunggan, gihatag ngadto sa ibabaw sa patayng panit sa carnero, nga gipatay sa Dios ug mitiabon niini kang Adan ug kang eva. Human sa ilang paningkamot sa pagbuhat ug kaugalingon nilang relihiyon nga mga dahon sa igira, dili kini magpulos. Ang paghalad ug carnero gitudlo na ingon nga bayad sukad pa sa sinugdan: ang halad nga carnero.

Karon, ato na kining tapuson karon, ug gipakita na kaninyo kung nganong sa mga magbalantay man; ug nganong kinahanglan adto man, tungod kay Siya carnero man.

60 Karon, ang mga profeta sa Daang Tugon nagsapot sa ilang kaugalingon ung mga panit sa carnero (Nahibalo ta niana. Uh-huh.), nga nagpamatuod sa ilang pagtoo sa Iyang Pulong sa umalabot sa hingpit nga Nating Carnero. Maoy hinungdan nga ang mga profeta...

Karon, ang Pulong sa Dios wala magagikan sa usa ka batid sa tiyolohiya; walay...Tungod kay si—siya maoy magpagubot Niini. Husto kana. Walay butang ingon

niana sukad nga nagaingon...Kamo nangaingon, "Ah, kining tawhana usa man ka batid sa tiyolohiya." Kana maoy naghimo kaniyang mahilayo gikan sa Pulong kay sa bisag unsang butang nga akong hingsayran. Nakita mo? Ang Pulong sa Ginoong Dios, ang walay pagkausab nga Dios, dili gayud mausab. Bisan asa diha sa Biblia, ang Pulong sa Dios kanunay gayud moduol sa mga profeta, dili ngadto sa mga batid sa tiyolohiya o sa mga doctor; kondili sa mga profeta. Ug sa kanunay sila, sa tanang panahon, giayran ug gasalikway.

61 Ang mga profeta kasagaran kanila mga magbalantay sa carnero usab. Ang mga profeta nagsul-ob man sila sa panit sa carnero nga ilang gibantayan. Ug ang unang mensahe ngadto sa—sa—sa hinukman nga kaliwatan diha sa ibabaw sa panit carnero. Ang mga profeta, usbon ko sa pag-ingon, nagsul-ob ug mga panit sa carnero sa ilang kaugalingon, tungod kay sila nagpamatuod pinaagi niana, nga sila nagatoo nga adunay umaabot nga usa ka hingpit nga Cordero alang nianang maong halad. Ug ang Pulong sa Dios modungat kanila diha sa ibabaw sa panit sa carnero. Kining mga magbalatay sa carnero. Kining mga magbalatay sa carnero... O kining mga profeta ang kadaghanan mga magbalantay sa carnero. Si Abraham usa ka magbalantay sa carnero. Si Isaac usa ka magbalantay sa carnero. Si Jacob usa ka magbalantay sa carnero. Si Moises usa ka magbalantay sa carnero. Si David usa ka magbalantay sa carnero. Ang tanang mga pinadala sa Dios ang kadaghanan mga magbalantay sa carnero.

62 Karon, atong tan-awon kung nganong didto man kini moabot sa mga magbalantay. Nahibalo sila nga ang carnero walay mahimo kung walay magbalantay nga modumala kanila. Sila... Ang carnero hingpit gayud nga walay mahimo; dili siya makalakaw nga siya ra. Mao kanay hinungdan nga gipakasama sa Dios ang Iyang magtotoo nga mga anak sa usa ka carnero. Kinahanglan nga dumalahon sila. Apan tan-awa kung unsay nagdumala kaninyo. Ayaw pagkuhag kanding; kay dad-on kamo niya ngadto sa ihawan. Ang Dios wala gayud mohatag kanatog kanding; Iyang gihatag kanato ang Iyang Anak (ang Espiritu Santo) aron pagmandu kanato. Siya maoy atong Magmamandu, dili sa mga hinimog tawo nga magbalantay, kondili ang hinatag Magmamandu, dili sa mga hinimong tawo nga magbalantay, kondili ang hinatag sa Dios nga magbalantay kinsa magapakaon sa carnero sa pagkaon sa carnero.

63 Karon, pagkuhag usa ka baboy, ug sultihan kining baboya, nga "hinuon ko ikaw nga usa ka carnero." Ug imo siyang digoon. Ug imong pintalan ang iyang mga kuko, u—ug uban pa, ug hatagan mo siyag pagkaon sama sa carnero, hatagan mo siyag pagkaon. Ug ibutang mo siya sa salog o diha sa gawas diin a—ang mga carnero gipasabsab, didto sa kapatagan sa alfalfa o sa diin man. Ug kung adunay lunangan didto, kanang maong baboy motuhoy ngadto sa usa ka lunangan kutob sa iyang mahimo. Nakita mo? Ngano man? Tungod kay ang iyang kinaiya nagpabilin mang usa ka baboy.

Ug mao kanay hinungdan ang mga sakop sa simbahan karon, moambit sa mga butang sa kalibutan (Nakita mo?) tungod kay ang ilang mga kinaiya wala man mangausab. Sila mangaon sa tanan matang sa ecclesiasticanhong, tiyolohikanhong lapok, apan sa Pulong sa Dios sila dili makadawat Niini. Manulod sila ug mamati sa Pulong.

64 Nahibalo ba kamo, nga ang labing dakung tigpakaaron ingnon mao ang uwak. Diha sa Biblia, dihay duha nga gipagawas sa arka. Ang karaang uwak milupad ug wala gayud siya mobalik, tungod kay usa man siya ka buwitre, ug tigpanganon ug patay. Mobatog siya sa ibabaw sa mga lawas sa patayng mga unod ug busgon ang iyang tiyan pinaagi sa patayng mga unod. Apan sa dihang gibuhian niya ang salampati, ang salampati dili makaantus sa kabaho, busa mibalik siya sa balay sa amahan ug kang Noe, ug mituktok sa pultahan hangtud nga gipasulod siya ni Noe.

Karon, ang uwak makapabilin dinhi ug mokaon sa patayng kabayo sa tibuok adlaw, ug molupad ngadto sa kaumahan ug mokaog lugas kauban sa salampati. Apan ang salampati dili makaadto ug mokaon sa patayng kabayo, ug unya mokaon ug trigo; makamatay kini kaniya. Tan-awa, ang salampati walay apdo, ug dili kini niya matunaw.

Ug ang bisag unsang salampati sa Dios, bisag kinsang kumakaog-Pulong nga salampati o carnero, ang mahinlo nga mananap, kung moadto kamo ug mohatag kanilag mga butang sa kalibutan, sila nahibalo nga ang ilang Agalaon miingon, "Ang nahigugma sa kalibutan, ang gugma sa Dios wala diha kaniya." Kung hatagan ninyo siyag butang nga supak sa Pulong sa Dios, dili siya makapabilin niini. Apan ang yawa modawat niana ug ang kalibutan usab motawag niini nga iya sa Dios tanan. Dili mo mahimong sagulon

ang lana ug ang tubig; dili gayud kini magkasagol.

65 Sila, ang tanang mga magbalantay, slia nanghibalo nga ang carnero walay mahimo kung walay magbalantay. Ug sila mga magbalantay, ug nasayud nga kinahanglan nga pagamanduan siya.

Unsang kamakaloluoy kung tan-awon, karon, nga misulay silag pagkaon sa mga carnero, ug lunang. Apan ang carnero dili gayud mokaon niini. Dili, sir. Tan-awa, ilang gisulayag pagkaon ang mga carnero didtog lapok. Ug sa paghiabot na sa Pulong, nangaanad na silag mga lapok, dili na sila makailag Pulong. Ug mao kanay nahitabo karon, samtang ang samang butang gipamatud-an ug gipaluyohan nga ang Dios magabuhat ug usa ka butang apan nanganaad na silag mga lapok, ug pagkaon nga lapok, hangtud nga kamo... Ania karon, dili na sila angayng sultihan; kay dili na sila maminaw niini; kana lang. ang iro... Ang Biblia nag-ingon, "Maingon sa iro nga mibalik sa suka niini, ug ang anay ngadto sa iyang lunangan, miingon man sila."

Mamati sa Pulong, ug mobalik ra dayon mao rang karaang lunangan. Ug moingon, "Aw, usa kana ka fanaticismo. Ayawg tuo nianang maong butang."

66 Ang Dios... ang mga carnero nagbuhat ug sama niana karon, kinahanglan nga mosalig sila sa pagkaon nga Pulong. Dili sila mokaon ug bisag unsang pagkaona. Dili ka makahatag kanilag ecclesiasticanhong pagkaon, sa matuod nga carnero. Dili, dili gayud. Lakaw ug sultih sila, "Nan karon paminaw, kitang tanan managsama ra. Karon, si Jesus nag-ampo nga unta kitang tanan mausa." Nakadungog kamog mao rang butanga dinhi sa Tucson dili pa lang dugay, sa pipila ka mga adlaw ang milabay, apan usa kini ka bakak. Si Jesus wala gayud mag-ampo... Giunsa Niya... Dili mo mahimong ipadaot ang Pulong sa Kaugalingon Niini, modaot sa Iyang kaugalingon? Nan ang Dios labaw pa sa ubang tawo.

Si Jesus miingon, "Unsaon man sa pagkakuyog sa duha gawas kung magkauyon sila?" Unsaon mo man pagkuha sa Methodist, Baptist, Presbyterian, Catoliko, ug ipanglabay silang tanan ug hiusahon? Mahimong usa ka ilalum sa pagpangulo sa tawo, apan si Jesus miingon, "Aron sila mahimong Usa miingon nga—nga Ako ug Ikaw Usa." Karon, maoy Iyang gusto nga kitang tanan mausa diha Kaniya nga mao ang Pulong. Amen. Mao kana, "Usa uban sa Amahan." Ug ang Amahan mao ang Anak, mao ra. Ug mao rang Pulonga, ang Pulonga nagpadayag, nagpakita sa Kaugalingon niini niining adlaw sama sa gibuhat Niini sa ubang mga adlaw, aron kamo mausa.

67 Himatikdi, nga Siya nag-ingon, "Maingon nga ang Amahan nagpadala Kanako, sa ingon ipadala Ko kamo." Ang Amahan nga nagpadala Kaniya, miuban Kaniya aron pamatud-an ang Pulong. Ug mao ra nga Jesus ang nagpadala sa Iyang mga katawhan, ang miuban sa katawhan nga Iyang gipadala, nga nagaingon," Ang mga buhat nga Akong ginabuhat, pagabuhaton usab ninyo." Tinuod, nga Siya nag-ampo nga mausa ta: mausa diha Kaniya, dili mausa diha sa organisasyon, dili mausa diha sa sistema, kondili mausa uban sa Dios. Tungod kay ang Dios ug ang Iyang Pulong Usa ra, ug si Jesus ug ang Dios Usa ra, ug ikaw ug ako ug ang Pulong kinahanglan nga usa ra. Mao kana. Kinahanglan magkauyonay uban sa Pulong. Dili sa unsay giingon ni bisan kinsa, Kini dili pagahubaron ug kinaugalingon. Dawata Kini, kung unsay giingon Niini, ug toohi Kini; ug paluyohan Kini sa Dios, ug pamatud-an nga Kini tinuod. Nagtoo ka ba nga alang lang sa mga tinun-an lamang, dawata ang Iyang Pulong tungod niini; lakaw ug salayi pa kausa ug tan-awa. Imong makita nga kini magalihok alang kanimo sama sa Iyang gisaad. Oo, sir.

Dili sila mokaon sa mga hinugas; anaa silay pagkaon sa carnero. Sa San Juan 10 nagtug-an niana; nga "Ang Akong mga carnero makaila sa Akong Tingog." Ug kon Siya mao man ang Pulong, nan unsa mang matanga sa Tingog ang anaa Kaniya? "Ang Akong carnero makaila sa Akong Tingog; sa mga langyaw nga tingog dili sila mosunod." Busa ang Iyang carnero dili mosunod sa langyaw nga tingog. Dili sila mosunod kanila.

Ang mga profeta, ang mga magbalantay, ang mga carnero, ang tanan nagpamatuod sa pag-anhi.

68 Karon, tan-awa ang Dios nga walay pagkabalhin diha sa Iyang walay pagkabalhin nga mga plano sa Iyang Pulong niining adlaw. Karon, pamalandunga sulod sa hamubong higayon: ang walay pagkausab nga Pulong.

Karon, tan-awa. Ko—kong si Moises mianhi pa pinaagi sa mensahe ni Noe, dili

gayud kadto magpulos. Kong si Juan Bautista mianhi pa uban sa mensahe ni Moises dili kini magpulos. Kong si Jesus mianhi pa uban sa mensahe ni Moises o ni Nioe, dili kini magpulos. Ug kung si Wesley mianhi uban sa mensahe ni Luther, dili kini magpulos. Kong ang Pentecostal mianhi pa uban sa mensahe ni Wesley, dili kini magpulos; bag-o pa lang nato nadungog kanang panghimatuod. Karon, ang Dios nagpadayon sa paglihok. Bantayi lamang ang Pulong; kay makita ninyo kung hain na kita karon.

69 Nan nganong dili man ang mga magbalantay maoy unang nagpahibalo... Ug kong kining tanang mga profeta, kong kining tanang dagkung mga tawo mga magbalantay man, nan nganong ang Dios, ang Bugtong walay pagkausab, nag-usab man sa Iyang pamaagi dinhi niini ug midala niini ngadto sa mga batid sa tiyolohiya? Didto sa mga magbalantay sa carnero. Ang pag-abot sa mga magbalantay sa carnero.

Ang mga magbalantay sa carnero labi pang nakaila sa iyang carnero kang bisan kinsa. Walay laing nahibalo sa carnero gawas sa magbalantay. Kay nabansay siya alang niini. Ug usab nahibalo kung unsang matanga sa pagkaon ang ilang pagkan-on. Sila... nahibalo siya kung unsay kan-on sa mga carnero, ug makaila siya sa iyang mga carnero pinaagi sa ilang gikaon. Ang... Kung makakita kamong usa ka carnero nga mogawas ngadto sa lunangan ug mosugod pagkaog mahugaw, kamo miingon, "Kuhaa kanang tigpangaon ug patayng lawas." Nakita mo? Busa nahibalo ang Dios kung asa sila ipadala.

70 Karon, tawgon ta nag usa sa inila nga magbalantay nga profeta ni Jehova, aron pamatud-an nga ang Dios diha nianang mga profetaha sa ilalum sa panit sa carnero. Bantayi karon. Unsa sa tanan, atong tawgon si Moises. Tan-awon ta siya. Ang iyang bulohaton maoy magpakita kanato nga si Jehova diha sa Iyang magbalantay nga profeta. Karon, tingalig usa lang ang atong mahisgotan, kong anaa pa kitay panahon, sulod sa napulo ka minuto. Maghisgot tag duha kanila, apan tingalig igo na kining usa.

Si Moises; si Jehova nagpadayag sa Iyang kaugalingon dinhi niining magbalantay nga profeta. Gihatagan siyag tutulo ka mga gasa aron pagpamatuod sa iyang bulohaton ug pagkatinawag ngadto sa mga anciano sa Israel ug kang Faraon. Himatikdi kining magbalantay sa carnero karon. Iya kanunayng hatagan ang Iyang mga profeta ug kahibulongang ilhanan aron pagmatuod nga anaa kanila ang Dios; tungod kay dili mahimong anaa ang Presencia sa Dios kung walay kahibulongang mga butang nga mahitabo. Wala gayud mahitabo nga si Jehova mipakita nga walay kahibulongan nga magsunod kaniya. Anaa gayud kini. Busa kanunay gayud Niyang gipaluyohan ang Iyang kaugalingon nga Siya nagauban niining mga profeta pinaagi sa pagpamatuod sa unsay ilang gipanagna, kong kini sumala sa Iyang Pulong.

71 Karon, ang na—nahaunang ilhanan nga Iyang gihatag ngadto ni— niining mao profeta (tan-awa), mao ang pagkahimong bitin sa iyang sungkod.

Ang ikaduha, ang iyang kamot gisangla. Ang ikatulo, mao ang pagkuhag tubig gikan sa Suba sa Nilo didto sa Egipto ug nahimo kini nga dugo.

Karon, Iyang gihatagan siyag tutulo ka mga ilhanan aron pagpamatuod ngadto sa Egipto ug usab sa Israel nga siya mao ang gilitok nga Pulong sa Dios.

Karon, hinumdumi, nga si Moises makatawag sa kabuhatan. Husto kana. Mikuhag abog sa yuta ug giitsa sa kahanginan, ug miingon, "Motungha ang mga kuto," ug mitungha ang mga kuto. Miingon "Motungha ang mga langaw," ug mitungha ang mga langaw. "Motungha ang mga baki," ug mitungha ang mga baki. Iyang kining gihimong kabuhatan.

Karon, ang tawo dili makahimo sa pagbuhat, apan dili kadto tawo sa sinugdanan. Si Jehova kadto nga diha sa Iyang profeta nga magbalantay. Amen.

72 Bantayi. Ang ikatulong ilhanan nga Iyang gihatag kaniya dili sumala sa iyang panginabuhin, ni bisan sumala sa iyang pagkatawo: ang iyang ikatulong ilhanan. Himatikdi, ang unang duha ka mga ilhanan may kalambigitan kaniya, kaniya Mismo ug sa iyang panginabuhin. Ug sila lamang ang bugtong duha ka mga ilhanan nga gihistogan sa Biblia nga may tingog. Apan uban pang ilhanan walay tingog. Apan ang duha ka mga ilhanan nga gihatag gikan sa iyang kaugalingon, ug ngadto sa iyang mga katawhan, mga mga tingog. Apan ang ikatulong ilhanan, karon himatikdi, gihatagn kadtog... Ang ilhanan, ang ikatulong ilhanan, mao ang ilhanan sa kamatayon: ang tubig nahimong dugo. Kong ang in—in—inyong dugo mahimong tubig, nan mamatay ka gayud. Ug diin

anaay dugo, inula nga dugo, mao kanay ilhanan sa kamatayon; maingon man usab ngadto kang Faraon. Ang ikatulo mao ang pagkahimo sa tubig sa Nilo nga dugo, ang nag—nagpakita sa iyang mensahe ngadto kang Faraon nga ang atong Dios maoy Dios nga labaw sa tanang mga butang, ug Siya magapahamtang ug kamatayon nianang nasura. Mao kadtoy ipasabot sa ilhanan nga dugo. Oh, intawon. Ang laktod nga ilhanan sa kamatayon; mao ang dugo.

73 Apan ang lain pang duha may mga tingog sa pagpanagna. (Nanghinaut a—a—ako nga nagbasa na kamo karon subay sa mga tudling, kung unsay akong giingon,) Apan ang lain pang duha ka mga ilhanan may mga tingog sa pagpanagna sa Israel bahin sa ilang umaabot. (Karon, alang kaninyo nga anaa sa ibabaw sa kabukiran dili pa lang dugay, sa dihang giitsa ang bato ngadto sa taas?)

Karon, ug paingon... Iyang usbon ang kinaiyahan aron mamuhat kini alang kanila. Bantayi sungkod; tan-awa ang bitin; tan-awa ang Mapulang Dagat, ug bisag unsay Iyang gibuhat karon. Tan-awa kadtong bunal sa magbalantay nga maoy makapalakaw kanila. Kadtong sungkod nga anaa sa kamot sa magbalantay, milupig sa matag tiyolohiya ug sa tanang mga butang nga gisulti sa mga pari, ug kadtong sungkod sa magbalantay maoy nagmandu kanila ngadto sa matag butang nga malisud alang sa tawo. Samtang naghunahuna si Faraon nga ang mga busay mosalanap sa mga kabukiran ug mopabuhagay sa tubig, ug mahimo kining dugo, ug unya ang Dios mopaulag kalayo gikan sa langit. Ug magpaulan Siyag mga yelo gikan sa langit, ug nagpaulan Si—Siyag mga kuto sa ibabaw sa yuta, ug uban pa.

74 Unsa may Iyang gibuhat? Pinaagi niadtong sungkod sa magbalantay, dili kon u—usa ka teksto sa libro, dili usa ka panghunahuna batid sa tiyolohiya, kondili sa usa ka sungkod sa magbalantay sa carnero. Haduol na kita niini sa dili madugay; sa sungkod sa magbalantay, Iya kining gihimo. Dili sa u—usa ka libro sa pag-ampo sa denominasyon, kondili sa sungkod sa magbalantay sa carnero, sa baston sa magbalantay sa carnero maoy nagtultol sa iyang mga carnero, maoy naghinlo sa alagianan samtang nanglakaw sila paingon sa gisaad nga Pulong sa maong yuta. Unsang katahum nga butang ang anaa karon ang sungkod sa magbalantay karon, ang nagtultol sa Iyang mga carnero paingon sa yuta sa saad; nga naglupig sa mga tiyolohiya ug mga butang niining kalibutana, ug mga butang sa kalibutan, ug sa mga denominasyon, ug uban pa; nga nagbukas sa alagianan, ug nagpamatuod sa Iyang Pulong nga maoy Kamatuoran; ang sungkod sa magbalantay sa carnero maoy nag-una.

75 Ug himatikdi kadtong mao ra nga sungkod sa magbalantay sa carnero maoy nagtultol sa mga carnero... Motoo ba kamo niana? Siya maoy nagtultol sa mga carnero; iyang gipahigawas sila gikan sa Egipto pinaagi sa maong sungkod nga diha sa iyang kamot. Mahimong daghan pa tag isulti bahin niini. Apan aron pagkab-ot sa dakung tumong, iyang gitultolan ang mga carnero ug nagpadalag paghukom sa ibabaw sa nagsalikway niini. Mao ra nga sungkod ang nanalangin sa usa, ug nagtunglo sa lain. Mao rang tubiga sa wali ni Noe ang nagluwas kaniya, ug naghukom sa kalibutan. Mao ra nga sungkod ang nagtultol sa Israel paingon sa yuta sa saad, ang naglaglag kanila nga midumili sa pagsunod sa magbalantay sa mga carnero nga profeta. Husto kana. Nahimong sungkod sa paghukom... Ang kinaiyahan; himatikdi kung giunsa sa Dios pagpakigsulti sa Iyang kinaiya. Kon lamang may panahon pa kita. May gisulat ako diha: Ang Dios misulti sa Iyang kinaiyahan. Wala na kitay takna aron pamatud-an kini.

76 Apan sa ulahi gipamatud-an pinaagi sa serpente nga tumbaga sa ibabaw sa tukon sa magbalantay sa carnero (iyang giputos kining maong bitin, didto sa kamingawan), kini nagpasabot sa tinuod nga umalabot nga bayad alang sa balatian ug sa sala.

Kadtong maong sungkod mismo nga nahimong bitin sa atubangan ni Faraon, ug mao ra nga Faraon ang misulay sa pagsumaysamay pinaagig mga maglalamat. Ug mao man usab ang modernong Faraon karon, ug ang nagpakaaron ingnon-magtotoo, kalibutanong manunundog sa mensahe, misulay sa pagsundog sa samang butang sa walay pagkasayud kung diin kini magagikan: ug gisabwag kini ngadto sa pagkadenominasyon, samtang gawasnon kini sama sa hangin gikan sa pagkagapus. Tinuod. Apan misulay sa pagsundog, naghimong panundog.

Apan, himatikdi, ang mao rang sungkod sa magbalantay ang mikaon sa laing mga bitin. Diin man kadtong mga bitina? Mga sungkod kadto sila diha sa salog, ug usa ra ka sungkod ang napunit. "Ang mga langit ug ang yuta mangahanaw," matud ni Jesus,

“apan ang Akong Pulong dili gayud nahanaw.” Naghisgot kini sa matuod nga bayad alang sa sala.

77 Ug usab ang kaugmaon sa Israel gitugyan... Ug sa unsa gipasabot niini sa Israel, alang sa umalabot... Didto gitanyagan silag kagawasan gikan sa pagkaulipon sa kamatayon pinaagi sa profeta nga magbalantay sa carnero. Sila gipahigawas gikan sa kaulipnan pinaagig profeta nga magbalantay sa carnero pinaagig sa sungkod. Nakita mo?

Naghisgot kadto sa umalabot nga Kagawasan sa Israel gikan sa kamatayon ug sa imfierno pinaagi sa Profeta nga Magbalantay sa carnero nga atong gihisgotan.

Karon, alang nianang tanan... Ang tanan sumala sa atong nasayran, ang Israel wala modawat sa Pulong sa magbalantay sa carnero nga profeta, ang tanan Israel wala modawat niini. Karon, himatikdi, silang tanan nanagbagolbol. “Oh,” sa dihang nagbuhat siyag mga milagro, “usa siya ka tawong inila,” apan bahin na sa Iyang Mensahe, “lahi na kana.”

Ang tanang dagkung mga ilhanan naganunot sa bag-ong mensahe nga miabot. Nahibalo ta niana. Didto sa kamingawan sila nanagbagolbol, didto sa kamingawan, ug nangamatay ang linibo. Sa dayag, duha lamang sila ang nakasulod ang naluwas gikan sa duha ka milyon ug tunga, duha ra gikan sa duha ka milyon ug tunga.

Moingon kamo, nga “Kadto... Unsa may naghitabo kanila? Nangawala sila sa dayon. “Silang tanan, Igsoong Branham?” Mao kanay giingon ni Jesus.

Sila miingon, “Ang among mga amahan nakakaon sa manna didto sa kamingawan, ug nanginum gikan sa bato.” Ug Siya... si Jesus miingon, “Ug sila, ang matag usa kanila, nangamatay” nahimulag sa dayon (Nakita mo?) ang matag usa.

78 Himatikdi nga nagbagolbol sila bahin sa gitagana sa Dios nga pamaagi, hinungdan sa ilang kamatayon. (Karon, sa masiboton gayud, ayawg pakyasa kining katapusang pipila ka mga pamahayag.) Nanagbagolbol sila. Unsay hinungdan sa ilang kamatayon didto sa kamingawan, sila nagbagolbol bahin sa gitagana sa Dios nga pamaagi, pinaagi sa mensahe sa usa ka tawo, usa ka profeta, ang pagdumala sa usa ka tawo. Sultihni ako kung kanus-a maggamit ang Dios ug pundok sa pagdumala. Dili kamo makakaplag niini diha sa Biblia. Usa ka tawo, sila... Ang Pulong miduol kang Moises.

Si Kora; kitang tanan nasayud nga mikuyog si—siya ug mibagolbol nga ang Dios dili matarung nga mobuhat ug butang nga sama niana, sa paghimo sa usa ka tawo uban sa mensahe. Siya miingon, “Kitang tanan mga balaan man. Nganong dili man ta maghimog usa ka denominasyon? Ug nganong dili man ta maghimog niini, ug buhaton kini, ug buhaton kana?”

Giisultihan sa Dios si Moises, nga “Ipalain ang imong kaugalingon gikan kaniya, kay anaay akong daghan niini.” Ug hinumdumi, nga si Judas nagsultig samang butang sa katapusang adlaw. Husto kana, “Sila nangalaglag sa pagsupil ni Kora.” Kitang tanan usab nasayud kung unsay nahitabo kang Kora ug ang—ug ang uban pa nga nagduhaduha sa Pulong sa Dios ug sa kaalam sa Dios naidtong usa ka tawo nga magdumala: ang matag usa kanila nangamatay.

79 Karon, arong himatikdan nga ang Dios diha sa magbalantay nga profeta, nagpakita sa Iyang umaabot nga plano diha sa mosunod nga tingog sa ilhanan. Karon, bantayi. Makita ta kini diha; karon atong tan-awon diha sa sunod nga ilhanan.

Karon, himatikdi, nga gipadala siya ngadto sa iyang mga kaigsoonan nga nagaulipon, nga walay kagawasan, uban sa mensahe sa kagawasan, inubanan sa ilhanan nga gihatag sa Dios aron pagpamatuod sa Iyang mga tinguha. Ang Israel minunot sa iyang mensahe, sila mitoo niini, ang matag usa kanila, apan sa panahon sa kahaponon... Nakasinati sila sa iyang mga milagro, apan sa panahon sa kahaponon samtang sila—iyang gihatag ang iyang mensahe, lahi na kadto. Ang tanan nga wala motoo sa mensahe, nangamatay.

80 Husto kana. Unsa man ang mensahe? Ang mensahe mao ang umaabot nga paghukom. Sa panahon—sa panahon sa kahaponon miduaw sa kampo sa Israel aron sutaon kung ang mga katawhan mitoo ba sa mensahe sa Iyang magbalantay nga profeta; ug ang tanan nga wala motoo niini, nangalaglag.

Karon himatikdi, kay dad-on ta kini ngadto sa Dakung Magbalantay sa dili

madugay. Himatikdi ang bulohaton sa dakung Magbalantay nga Profeta. Sa Iyang mga milagro, ang matag simbahan bukas ug modawat Kaniya. Gusto sila nga ang ilang masakiton mangaayo. Gusto silang mobuhat ug dagkung mga butang. Ang Iyang kabantog daku uyamot. Apan sa paghiabot na sa panahon sa kagabhion, usa ka adlaw human sa Iyang paghimo sa tubig nga bino, ug nagpakaon sa linibo pinaagig tinapay, ug naghimog mga milagro, Siya misugod paglingkud ug misulti kanila. Ug Siya miingon kanila, "Ako ug ang Akong Amahan Usa ra. Nganong nagsulti ka man. "Ipakita kanamo ang Amahan?"

"Oh, igsoong. Kining tawhana gustong ipakisama ang iyang kaugalingon sa Dios?" Daku ra kaayo kadto alang sa ilang ecclesiasticong panghunahuna. Apan kadto maoy Kamatuoran; kay mao man Siya. Nakita mo? Apan sa ila kadtong gibuhat, daghan ang wala na masunod Kaniya.

Ug unya miliso Siya ug miingon, "Gawas kon mokaon kamo sa unod sa Anak sa tawo, ug moinum sa Iyang Dugo, wala gayud kamoy Kinabuhi diha kaninyo."

Karon, unsay inyong paghunahuna sa usa ka maigmat, kung unsay hunahunaon sa tawong utokan? Akong mapamalandong ang mga pari nga uban Kaniya didto sa templo hi—hilabihan ang kaulaw kanila nga gikauban Siya didto. "Ang paghunahuna nga ang usa ka tawong motindog ug mosultig butang nga sama niana, 'Gawas kung kamong mga katawhan makaon sa unod, ug moinum sa akong dugo.'" Miingon nga, "Usa kini ka tawong bampira (Nakita mo?) 'Mokaon sa akong unod ug moinum...' Tan-awa, usa siya ka aswang. Kamong maayong panghunahuna nga katawhan, pahilayo kamo gikan sa buangbuang nga sama niana."

Wala kini Niya isaysay, igo lang Niya isulti. Iya kining gihimo aron mangapangdol sila, aron lainon ang Iyang mga carnero gikan sa mga kanding. Iya kining gibuhat aron pagpanglabay kanila. Ug tungod niana wala nay gustong motabang Kaniya. Wala sila motabang sukad niadto.

81 Himatikdi, sa panahon sa kahaponon, ang Dios milakaw sa mga kampo ug nakita kung kinsa kadtong mitoo. Ug Iyang gibuhat ang samang butang sa mga adlaw sa Gamhanang Magbalantay. Himatikdi ang dakung bulohaton sa Profeta nga Magbalantay, apan himatikdi kini, kanila nga nagatoo sa Iyang mensahe, apan wala... Kining mensahe sa kahaponon, dili sila motoo niini. Dili sila motoo nga Siya mao ang Dios. Gusto nila Siya himuon nga tawong manggialamon. Gusto nila Siyang himuon nga usa ka profeta. Usa Siya tawong maayo, ug usa Siya ka Profeta, apan labaw pa Siya niana. Mao kanay komon nga pagpanudlo karon, nga "Siya usa lamang ka tawong matarung, Siya usa ka Profeta." Dili Siya ubos kang Emmanuel. Siya mao ang Dios nga nadayag kang Jesu-Cristo nga Iyang Anak, nga naghimo Kaniya ug sa Amahan nga Usa ra. Mao kana ang tanan Kaniya.

82 Sa Zacarias, 14:7 (mahimong isulti ko kini.), naghigot kini sa mga Kahayag sa kagabhion ug mensahe na usab sa katapusang panahon. Inyo bang hingmatikdan kana? Sa kadaghan sa nagsunod kang Moises nakakita sa Haligi nga Kalayo nga maoy nagpaila kaniya didto sa Bukid sa Sinai. Iyang gipamatud-an, ug naghigot niining Haligi nga Kalayo nga didto sa kahoyng nagdilaab ug misulti kaniya niining mensahe; daghan kanila ang mitoo niini. Apan sa kadaghan sa mikuyog kaniya kaniya gikan sa Egipto (ang migula gikan sa kalibutan, ug milatas sa dagat sa pagkabahin, ug miadto sa kamingawan), ang nakakita sa mao ra nga Haligi nga Kalayo (nga iyang gihigotan) ang nagpaluyo niadtong magbalantay nga profeta nga magbalantay sa carnero. Nakakita sila niini, ug daghan kanila ang wala gihapon motoo niini human sila makakita niini.

83 Himatikdi kung giunsa na usab sa walay pagkausab nga Dios, ang dakung Profeta nga Magbalantay midala kanila nga nagpabilin uban Kaniya ug sa Iyang bulohaton hangtud sa Bungtod sa Olivo; ang Magbalantay nga Profeta, ang Usa nga atong gihigotan, si Jesus. [Walay sulod sa type—Ed.] Nakakita ug nakadungog sa Amahan (mao ra nga Haligi nga Kalayo) ang nagpaluyo Kaniya, ang nagpaluyo kang Moises.

Mao ra nga Dios ang gihigotan ni Moises, ang miduol kang Moises ug nagpamatuod pinaagi sa Haligi nga Kalayo nga Siya mao si Jehova nga nag-una kang Moises. Ang Dios didto sa Iyang magbalantay nga profeta.

Ania karon Siya nagkuha ug lain pang profeta nga Magbalantay, ang gamhanang Profeta, ang Tinuod nga Carnero, si Jesus, ug mipilig tulo ka mga lalake, ug gidala sila ngadto sa ibabaw sa Bungtod sa mga Olibo, ug didto gipanghimatud-an si Jesus. Ug

ngani gipakubsan ang Iyang kaugalingon gikan sa tanang pang katawhan, nga nagaingon, "Kini mao ang Akong Anak nga pinalangga, pamatia ninyo Siya." Ug sa ilang paghangad, wala siyay laing nakita gawas kang Jesus lamang. Husto kana. Siya ra Kadto. Karon, mao na kana, alang kanako. Nakita mo?

84 [Walay sulod sa type—Ed.]... Ang Sekina [Walay sulod sa type— Ed.]... ang dagway. Si Moises diha sa Presencia sa Sekina didto sa Bukid sa Sinai. Kini maoy nakapausab sa iyang dagway. Sa iya nang paglugsong, nag— nagbutang siyag taptap sa iyang nawong, ang magbalantay nga profeta nga si Moises; diin si Jehova diha sa usa ka bahin, sa usa lamang ka bahin: sa iyang nawong. Diha kaniya ang Pulong sa iyang baba.

Apan himatikdi nga samtang ang Dakung Magbalantay diha sa Presencia sa Sekina. Unsa may gibuhat niini? Kini miusab sa Iyang tibuk niyang nawong. Dili lamang kay kabahin ra Siya sa Dios; Siya Dios tanan. Siya mao ang Emmanuel.

85 Nganong sa magbalantay man gayud? Paminaw. Tan-awa, karon, ang Dios nga Makagagahum nagbantay—naglarawan diay, sa Iyang kaugalingon, diha kang Moises ang magbalantay nga profeta. Bantayi kung giunsa sa Dios ang pagpaila sa Iyang kaugalingon. (Kini maoy katapusan kong pamahayag.) Nakita Siya nga nagtindog dinihogan sa Presencia sa Haligi nga Kalayo. Walay lain didto sa ibabaw sa bukid gawas kang Moises ug kang Jehova. Amen. "Amen" nagpasabot nga "hinaut unta."

Bantayi. "Isulod ang imong kamot sa imong dughan." Apan bantayi kining ikaduhang ilhanan karon nga may tingog. "Isulod ang imong kamot diha sa dughan." Dili ta makaingon nga si Moises walhon, busa ang iya gayung toong kamot maoy gisulod sa iyang dughan, tungod ka ang kadaghanang lalake toohan man. Iyang gisulod ang iyang tuong kamot... Karon, bantayi. Unsang ka maayong hulagway ang makita ta dinhi, kang Jehova nga diha kang Moises ang profeta nga magbalantay. Si Moises naglarawan sa Dios, tungod kay ang Dios diha man kang Moises.

86 Bantayi siya nga mibutang sa iyang... "Ang kamot sa imong dughan." Unsang ilhanana. Karon, didto nagtindog siya, nagkupot sa iyang tuong kamot sa ibabaw sa iyang kasingkasing (nagtindog sama niini) diin ang mga gililong nga katubsanang gililong sukad pa sa pagkatukod sa kalibutan. Ania dinhi kung nganong sa mga magbalantay man. Si Jesus maoy tuong kamot sa Dios; nasayud tang tanan. Ania karon si Moises naghulagway kaniya sa hingpit. Iyang gikuptan ang mga gililong sa Amahan, ug gipakita sila kanato. Himatikdi, dinhi iyang gihulbot ang iyang kamot gikan sa iyang dughan ang iyang tuong kamot gihampak sa makamatay nga sangla. Gipakita kini kung unsay pagabuhaton sa Dios sa Iyang tuong kamot. Himatikdi, nga ang sangla wala gayuy tambal. Himatikdi, pag-usab, kay dili kadto usa ka yanong sangla; katapusang matang na kadto: maputi sama sa yelo. Ang iyang kamot gihampak sa makalilisang nga butang. Unsa kahay gibati ni Moises sa dihang iyang gikuha ang iyang tuong kamot gikan sa ibabaw sa iyang kasingkasing, diha sa iyang dughan, ug ang iyang kamot gihampak sa sangla. Ang sangla sa naghulagway sa sala, dili matambalan, ug ilabina kung anaa na kini sa katapusang matang.

87 Mga kaigsoonan, mao kanay nahitabo sa kalibutan sa dihang gibira sa Dios ang Iyang Tugon Kamot gikan sa Iyang dughan. Ang kalibutan gihampak sa makamatay nga sangla, ug walay sarang ikatambal niini. Mao man usab kini niining gabhiona, tungod kay dili man sila modawat sa pamaagi. Ang pamaagi gibuhat didto sa Calbaryo, apan ang mga katawhan gustong mobuhat ug mga tinawhonong buhat nga tambal nga ilis sa tambal sa Dios alang sa sala.

Himatikdi. Nga dili kini inanayng mitakboy, sama sa yanong sangla, kondili kalit nalukop. Sa dihang iyang gibira ang iyang kamot, gihampak na kini; nalukop na kini sa sangla. Himatikdi kung unsay giingon sa Dios, "Karon, dili ka maanud nga inanay sa sala; kondili sa adlaw nga mokaon ka niini, nianang adlawa mamatay ka." Husto kana, "Sa adlaw nga mokaon ka niini."

88 Himatikdi, nga ang magbalantay nga profeta ang mihampak sa iyang kaugalingon. Iyang gikuha, pinaagi sa sugo sa Dios, ug gibutang ang kaugalingon niyang kamot sa iyang dughan, ug gibira kini nga gihampak na sa sangla. Ang magbalantay nga profeta maoy nagbuhat niini sa iyang kaugalingon. Ug ang dakung Magbalantay nga Profeta, nga si Jesus, mibuhat niini sa Iyang kaugalingon, "Akong gihalad ang Akong kinabuhi; ug walay bisan kinsa nga makakuha niini gikan Kanako; Ako Mismo ang nagbuhat niini." Himatikdi; nga wala kini mag-inanay pag-abot, nahitabo kini sulod lang sa usa ka gutlo.

Ang Dakung Magbalantay Mismo maoy mikuha sa atong kasal-anan ug gihampak ang Iyang kaugalingon, mikuha sa tong mga kasal-anan ug gibutang kini sa Iyang kaugalingon—sa kaugalingon. Maoy hinungdan nga ang magbabalak misulat:

Taliwala sa mga batong nangasiak ug mingiub nga kalangitan, Ang Manluluwas ko sa Iyang ulo miduko ug namatay;

Ang nagilis nga tabil nagbutyag sa dalan Sa langitnong kalipay ug dayon nga adlaw.

89 Kadtong tinago didto ra sa dughan sa Dios sa tanang katuigan, gitabonan sa Iyang tuong kamot, si Jesus. Ang Dakung Magbalantay midala sa Iyang kaugalingon sa atong mga kalapasan. Sa Isaias 53:6 nagingon, "Siya gisamaran tungod sa atong mga kalapasan. Siya tungod sa atong mga kasal-anan. Ang silot sa atong pakigdait diha sa ibabaw Niya. Ug tungod sa Iyang mga labod kita nangaayo."

Ang tinago sa pagpangayo sa Dios anaa sa dughan ni Jesu-Cristo, o sa Dios, kay Siya anaa man sa tuong kamot sa Dios; kana mao ray bugtong carnero nga naghambin sa Iyang dughan ug tinago. Maoy hinungdan nga ang mga landong niini kanunay gayung carnero. Ang nahauna mao ang carnero; ang katapusan usa ka Carnero. Mao kanay hinungdan nga kinahanglang adto kini moduol sa magbalantay, ang nasayud kung unsaon pagatiman sa iyang Carnero. Hingsabtan ba ninyo kini? Himatikdi, nga Siya gisamaran tungod sa atong mga kasalanan, ang silot sa atong pakigdait diha sa ibabaw Niya."

90 Himatikdi, nga nahitabo kini dayon; ug nawala kini dayon, samtang gibira ang tuong kamot gikan sa dughan sa ikaduhang higayon, ang makamatay nga sakit nawala, sa dihang gibira kini sa ikaduhang higayon. Ug samtang ang Dakung Magbalantay, ang Carnero nga Profeta, sa dihang miingon Siya... Didto sa ibabaw sa krus sa Calbaryo, sa dihang gibayran Niya ang silot sa sala alang sa tanan, Siya miingon, "Natapus na." Natapus na ang sala; ang silot gibayran na; ang utang nasulbad na. Wala kini abtig usa ka tuig, o sa katapusan miabot kini sa mga adlaw sa mga reformador o sa unsa man; didto natapus kini dihadia.,

91 Ang sala moabot sa takna nga malapas ang sugo Dios, pinaagi sa pagsupak ug usa ka Pulong. Niining gabhiona, mga kaigsoonan ko, ang inyong kalag nahigawas na didto sa inferno sa ibabaw sa kadena. Ug kanang moang kadena dili sama sa tiyolohikanhong pagtudlo sa seminaryo; kanang maong kadena dili sama sa denominasyon o kredo nga inyong gikinabuhi, ang kadena mao ang Pulong sa Dios. Gihatagan ni Jesus ang tawhonong kabuhatan sa Iyang Pulong aron mabuhi niini, ug si Eva milapas sa usa sa labing gamayng sinumpayan niini. Ug ang—ang bisag unsang kadena anaa ang kalig-on niini sa iyang labing mahuyang nga sinumpayan. Kung inyong kuhaan ug usa ka Pulong... Mao kadto ang nahaunang Basahon. Si Jesus mianhi diha sa kinataliwad-an sa Basahon, ug miingon, "Ang tawo mabuhi dili sa tinapay lamang, kondili sa matag Pulong nga magagula gikan sa baba sa Dios." Mao kadto ang kinataliwad-an sa Basahon. Sa katapusan sa Basahon, Siya miingon, "Bisan kinsa nga magataktak ug usa ka Pulong (ang magtuis ug usa ka Pulong), ang magtaktak ug usa ka Pulong gikan Niini, Akong kuhaan ang iyang bahin gikan sa Basahon sa Kinabuhi." Nakalabang na kamo sa inferno, ang nagpabilin sa Pulong sa Dios. Ayawg tugoti si bisan kinsa nag kusogkusog usa ka butang diha kaninyo kondili MAO KINI ANG GIINGON SA GINOO.

92 Oh, nakita ko na... Ania karon, sila moingon, "Sa pagkatinuod, ang tanan amo nang nabuhat. Ang tanan amo nang natapus." Tingalig mao kana ang gitudlo sa labawng pari ug uban pa sa mga adlaw sa Dakung Magbalantay. Mao kanay gitoohan ni Eva. Mao kanay gitudlo ni Satanas kaniya, "Sa pagkatinuod dili buhaton sa Dios." Apan Iyang gibuhay, tungod kay Iya mang giingon nga Iyang pagabuhaton. Ug mao kanay hinungdan nga Iya kining buhaton pagusab karon.

Mao diay, sama sa Iyang giingon, "Maingon sa mga adlaw ni Noe, diin walo lamang ka mga kalag ang nangaluwas pinaagi sa tubig, mao man usab kini unya sa pag-abot sa Anak sa tawo." Tan-awa, gamay ra, "Kay gamay ang pultahan, ug hikitin ang dalan paingon sa Kinabuhi, ug diyotay ra ang makakaplag niini. (Mao kana.) Tungod kay halapad ang dalan paingon sa kalaglagan, ug daghan ang nakatultol niini."

93 Sa dihang gihampak ang Dakung Magbalantay, ang dakung Carnero nga Profeta sa dihang gihampak Siya kaniadto, Siya miingon, "Natapus na." Ug niadtong gutloa, sa dihang gihampak kining maong Magbalantay, didto natapus na. Ang kasal-anan gibayran na; wala na ang sala. Sila nangahinlo na; ang silot gibayran na. Ang mga magtotoo

kinsang mga ngalan nahisulat sa Basahon sa Kinabuhi, ginahin nang daan sa wala pa matukod ang kalibutan, kadto natapus na niadtong gutloa nga si Jesus miingon nga natapus na. Siya, kadtong Dakung Magbalantay, mianhi alang sa Iyang mga carnero. Natapus na; ang tuong kamot sa Dios gibira gikan sa Iyang dughan, gihampak. Ug sa Adlaw sa Pagkabanhaw Iya kining gibalik (Amen.), gibanhaw kini pag-usab ngadto sa Iyang dughan, ug gipalatay kini nganha kaninyo ug kanako sa dagway sa Iyang Pulong, aron pagtubod kanato pagbalik ngadto sa orihinal nga tanaman diin didto gikuha gikan kanato ang sala. Ang tinago sa Iyang dakung kasingkasing gipadayag pinaagi sa Magbalantay nga Profeta. Gipadayag kadto sa Magbalantay, Magbalantay nga Profeta.

94 Mao diay nga ang mga kabukiran milumpat ug misinggit niadtong adlaw. Mao diay nga ang adlaw mitago sa nawong niini ug misinggit sa kalipay. Mao diay ang tanang kinaiyahan mihilak; ang hangin mikusokuso sa kakahoyan hangtud nga mikurog ug mikurog, ug nalipay ug milukso. Ilang nakita ang Magbalantay nga Profeta, diha sa ibabaw sa bukid, nagtubos sa matag ngalan diha sa Basahon sa Kinabuhi. Ug ilang nakita nga ang ilang kaugalingong kinaiya gitubos na. Sila misinggit ug milukso. Ug ang kalibutan natay-og. Ug ang mga kabukiran nagisi, ug ang kabatohan nangahulog. Ug ang adlaw misalop. U—ug ang matag butang nanghitabo. Sama sa bisag unsang tigum, sa dihang gipadayag kanimo sa Magbalantay nga kini natapus na. Diha...

95 Nakita ko nga nagpulipuli paglukso ug nagpulipuli ang kalipay, apan walay unsang nasakitan. Ang kabukiran mitay-og, ug sila... Ang adlaw misalop, ug ang mga butang nanghitabo, apan walay using nasakitan. Ug nakakita akog mga tigum diin ang gahum sa Dios gipadayag ngadto sa mga katawhan nga sila nahigawas na gikan sa kalibutan ug sa mga butang sa kalibutan, ug ang kalipay sa Ginoo mipuno sa congregasyon. Sila nahiugtok, ug misinggit, ug mihilak, ug misinggit ug kutob sa mahimo sa ilang tingog alang sa kahimayaan sa Dios. Walay bisag unsang butang nga nakita ko nga nagkaguliyang; sa kanunay silang hapsay; tungod kay ilang naila nga ang ilang ngalan nga nahisulat sa Basahon sa Kinabuhi sa Cordero sawala matukod ang kalibutan... Ang dakung Magbalantay nga Profeta nagdala kanilag mensahe, ug silang tanan nanghigawas: ang Magbalantay nga Profeta. Walay sapayan kung unsay ikasulti sa ubang ecclesiastichong matang bahin niini, sila nasayud kung unsay nahitabo. Sama sa gibuhat niadtong mga magbalantay kaniadto, sila nahibalo kung unsay nahitabo.

96 Walay tawong takus sa pagsulod sa balaang bulohaton aron pagwali sa Pulong gawas kun makabuhat siya sama sa gibuhat ni Moises: nakakita sa Dios mismo sa dapit diin walay batid sa tiyolohiya ang makahimo sa pagsaysay niini. Si Moises didto. Bisag unsa pay ikasulti sa mga mensahero sa Israel, "Oh, usa kadto ka binuang, tiaw mo bay makakita ka niini; binuang kini," dili mo kini makuha gikan kaniya; kay nahibalo siya. Didto siya. Didto kaniya kini mahitabo. Ug walay bisag usa pinaagi sa tiyolohikanhong titulo o sa titulo sa pagkadoctor ang may katungod sa luyo sa pulpito aron moangkon sa mensahe ni Jesu-Cristo, hangtud nga siya makahinagbo sa Dios nawong ug nawong diha sa Haligi nga Kalayo. Walay siyay katungod sa pagtawag sa iyang kaugalingon nga mensahero, tungod kay ang tanang mga batid sa tiyolohiya dinhi sa kalibutan sili makasaysay niana diha kaninyo. Mahitabo kini kaninyo. Diha na kamo; kamo nahibalo na bahin niini. Walay sapayan kung unsay ikasulti ni bisan kinsa, o unsa pay ilang masulti, "ang mga adlaw milabay na, dili kini mao," kaninyo—nahitabo na kini kaninyo, ug sibo kini sa Pulong.

97 Oo, mao kanay hinungdan nga si Moises nakaila nga kining Tingoga nga misulti kaniya mao ang Tingog nga Pulong. Siya nahibalo nga ang Dios misulti kang Abraham, "Ang imong kaliwat magmadumoluong sulod sa upat ka gatus ka tuig, apan ipahigawas Ko ra sila." Ug nahibalo siya nga ang upat ka gatus ka tuig natapus na ug siya gitawag sa pagbuhat niini.

Kalalakenan ug kababayen-an, ang Dios nagsaad niining katapusang mga adlaw nga Iyang igabubo ang Iyang Espiritu sa ibabaw sa tanang unod. Iyang gisaad nga Iyang ipadala ang bautismo sa Espiritu Santo, ug magtawag Siyag usa ka Pangasaw-onon nga walay kunot ug mantas. Iyang gisaad nga buhaton kini; Iyang buhaton kini. Ayawg paminaw sa mga sinuholan nga mga magbalantay; kay ila kamong pahisalaagon. Ang Espiritu Santo maoy Magbalantay aron maoy pakan-on kamog pagkaon sa carnero gikan sa Iyang Pulong. Kanunay kining magagikan sa Magbalantay. Siya maoy atong Magbalantay. Pamatia Siya; kamo mao ang carnero sa Iyang toril; kon ugaling mao man, maminaw ka sa Iyang Tingog, dili sa unsay isulti sa uban; pamation ninyo kung

unsay Iyang isulti. Sa langyawng tingog, dili kamo makasabot niini.

98 Oh, tan-awa. Paminaw na usab sa gamhanang Magbalantay nga nagahubad ug nagpaila kanila. Si Juan, samtang nagtindog siya didto sa suba sa Jordan, tan-awa kung unsay iyang gisulti. Samtang nagtindog didto nga nagwali, siya miingon, "Ang takna taliabot na..."

Himatikdi, nga si Juan anak sa usa ka pari. Kanunay silang nagasunod sa lakang sa—sa ilang amahan; diha niana kita nakakuha sa atong mga ngalan. Pinaagi sa unsay ilang ginabuhay, sila gitawag nila niana. Ug si Juan angayan unta nga mapari sama sa iyang amahan.

Ug, nahibalo kamo, nga ang iyang inahan, samtang—nagsamkon siya, human ng ang Manolunda sa Ginoo mipakita sa iyang amahan nga si Zacarias, ug mipauli kang Elisabeth, ug unom na siya ka bula—nga mahimong inahan. Apan wala pa siyay kinabuhi, nahadlok siya tungod kay ang bata dili man molihok. Dili kadto normal.

99 Ug ang Espiritu Santo, ang Manolunda sa Ginoo mipakita kang Maria, ug gisultihan siya nga magsamkon siyag usa ka bata, bisag wala siya makailag lalake, ug mitug-an kaniya bahin sa kahimtang ni Elizabeth. Mitungas siya sa bungtod sa Judaea aron suginlan si Elizabeth, iyang gisultihan siya nga mahimo siyang inahan. Ug wala siya makasabot niini, bisan kung wala siya makailang lalake.

Apan miingon siya, "Ang Espiritu Santo mikunsad kanako, ug miingon nga kining balaang Butang nga matawo kanako pagatawgon nga Anak sa Dios, ug ang Iyang Ngalan Jesus." Ug sa unang higayon nga gilipot ang Ngalan ni Jesus sa ngabil sa usa ka tawo, ang gamayng bata diha sa tagoangkan sa inahan milukso sa kalipay ug misinggit ug milukso sa sulod sa tagoangkan sa inahan, ug wala pa kini sukad makadawat sa kinabuhi.

Ang Ngalan ni Jesu-Cristo nagkahulogan ug kinabuhi ngadto sa patayng bata. Unsa may mahimo niini ngadto sa iglesia nga nag-angkon nga natawo pag-usab?

100 Ug naglingkud ta nga sama sa kaaslum sa mga igpapaaslum sa atsara, ug pasagdan ang maong mga butang nga molabay, ug mahadlok sa pagtindog ug pagpamatuod sa inyong gibati, ug hukman kining tanan nga binuang, nga naghimo kang Jesu-Cristo nga mao sa gihapon kagahapon, karon, ug hangtud sa kahangturan. Panahon kini sa Pasko; kuhaa kining mga Santa Clause ug uban; pahilayo nianang walay pulos nga pagpanapi. Diin mo man hibatii ang Santa Clause diha sa Biblia? Usa kini ka Romanhong pagpatuotoo; walay kalabotan niining tanan; walay butang nga ingon niana. Ayawg tudloi ang inyong mga kabataan niana. Kung usa sa mga adlaw inyong sultihan siya nga kadto usa ka binakak nga sugilanon, nan inyong gibakakan ang inyong anak. Ug makapasakit kini sa inyong panghimatuod bahin kang Jesu-Cristo; siya moingon, nga "Tingalig mao ra kining butanga." Ibutang si Jesu-Cristo pagbalik ang dakung Magbalantay nga Profeta diha sa Pasko diin kini mahimutang.

101 Himatikdi, pamatia kining profeta nga si Juan, samtang nagtindog siya didto. Kitang tanan nahibalo nga siya usa ka gamhanang magbalantay nga profeta. Karon, aduna siyay usa ka mensahe; ang Manolunda nahibalo nga siya maoy magpaila kang Jesus.

Karon, dili siya kinahanglang moadto sa mga seminaryo. Siya moingon, "Karon, nahibalo ka ba nga si Doctor Talpulano mao may mopuli sa dapit karon. Ikaw maoy mopaila kaniya. Ug nahibalo ka nga..." Tan-awa, dili siya makighugoyhugoy sa katawhan.

Sa edad nga siyam ka tuig ang kagulangon, gisultihan ta, nga siya miadto sa kamingawan aron pag-andam sa dalan sa Dios. Mao kanay katuyoan sa pag-anhi sa mga magbalantay. Himatikdi nga ang iyang mensahe dili sama sa batid sa tiyolohiya nga may maayo, dagkung mapasigarbohong mga pulong sa mga titulo. Siya miingon, "Oh, kamong mga kaliwat sa bitin." Gisultihan ang mga tawong relihiyoso, "Kamong panon sa mga bitin ." Mao kanay iyang nakita didto sa kamingawan; bitin ang iyang nakita. Ang labing ubos nga butang nga iyang nakita mao ang panon sa mga bitin. Miingon, "kinsay nagpasidaan kaninyo gikan sa umaabot nga kapungot? Ayaw pagsugod pagingon, 'Sakop kami niini, ug sakop kami niana,' kay sultihan ko kamo, nga ang Dios makahimo niining mga bato sa pagpatindog nga mga anak ni Abraham." Mga bato, unsay iyang nakita didto sa kamingawan. "Ug usab, ang wasay nahitaon sa gamut sa kahoy." Mao kanay iyang nakita: mga bitin, kakahoyan, kamingawan. Ug, tan-awa, mao kadto ang

iyang mensahe. Dili siya makamao sa mga pinaburot nga mga pulong sa mga bantugang doctor sa pagkabalaan (ni makasaysay niining tanan); mao ray iyang giwali ang tudling sa kinaiyahan.

102 Mao kanay atong gipakita dinhi: ang sungkod sa magbalantay sa carnero, ang magbalantay sa carnero, ang carnero, ang tudling sa kinaiyahan.

Unsa may iyang ginabuhat? Siya adunay usa ka dakung butang nga pagabuhaton; siya mao ray nakaila sa Mesiyas. Siya miingon, "Ako nagaingon, 'Ania na Siya karon nagtindog sa inyong taliwala. Ug wala kamo makaila Kaniya, tungod sa inyong mga tiyolohiya nga maoy nakapagapos kaninyo, wala na kamo mahibalo kung hain na kamo karon.'"

Usa niana ka adlaw si Jesus miabot nga nagalakaw; siya miingon, "Tan-awa, mao kana ang Cordero sa Dios nga magawagtang sa sala sa kalibutan," ang Cordero. (Halleluia.), ang tinuod nga Lukat. Ania karon ang unsay gihulagway sa matag carnero sukad pa sa tanaman sa Eden, usa ka yanong Tawo naglakaw paingon sa suba.

103 Sila mitubag, "Juan, giunsa mo man pagkahibalo niini? Walay usa ka butang nakita ko nga kalainan." "Apan saksi ako; nakita ko ang Espiritu sa Dios nga mikunsad sama sa salampati, ug ang usa ka Tingog nga nagaingon, "Kini mao ang Akong Anak nga Pinalangga nga Kaniya may kalipay Ako sa pagpuyo.'"

Bantayi ang Salampati ug ang Cordero. Nakita mo? Oo. Unsa kaha kong kini usa ka... Unsa kaha kong lain kadto... Unsa kaha kong usa kadto ka ihalas nga iro ang nagtindog didto? Ah, dili gayud modulo ang Carnero—o kadtong Salampati...

Gipanag-ingon sa Dios ang Iyang kaugalingon sa usa ka salampati, ang labing malomo sa tanang mga langgam sa kalangitan, ang Iyang Anak sa usa ka carnero, ang labing malomo nga sa tanang mga mananap sa yuta. Tan-awa, ang mahinlo nga langgam sa kalangitan, dili uwak, dili usa ka bwitre, kondili usa ka salampati; dili baboy, kondili usa ka carnero. Ang uban pang mga kinaiyahan dili gayud magakauyonan.

Ug himatikdi nga sa dihang ang Salampati modulo sa Carnero, Kini maoy matultol Kaniya. Dili sa dalan nga Iyang gusto, kondili sa paagi nga pagamanduan Siya sa Amahan. Sama niana ang usa ka tinuod nga carnero karon. O mga carnero sa panahon sa Pasko, wala ba kamo masayud nga ang Dios momandu lamang pinaagi sa Iyang Pulong? Mao kana ang Iyang Sungkod.

104 Himatikdi nga walay bisan unsay nahitabo, apan si Juan miingon, "Ang uban kanila dili makakita niini, apan saksi ako; nakita ko kini." Nagpaila: "Tan-awa ang Cordero sa Dios nga magawagtang sa mga sala sa kalibutan."

Ako nang ipaila karon ang akong mensahe sa Pasko, ug samtang tapuson ko na: "Si Jesu-Cristo, mao sa gihapon kagahapon, karon, ug hangtud sa kahangturan." Kini mao kanang Carneroha. Siya mao ang Cordero karon sama nga mao Siya kaniadto. Ania Siya karon dinhi maingon didto Siya kaniadto, tungod kay ang Iyang Pulong mao ra. "Diin gani ang duha o tulo nga magakatigum sa Akong Ngalan, anaa Ako sa ilang taliwala." Mao kanay Iyang gisulti. Dili gayud Siya mausab, Siya mao ang Dios ang Pulong. Dili gayud Siya mausab: sa gihapon nagahatag sa Iyang carnero, ug gipakaon sila pinaagi sa Iyang Magbalantay nga Profeta, ang Iyang Pagkaon sa Iyang carnero una sa tanan, dili ngadto sa mga batid sa tiyolohiya, kondili sa Iyang mga carnero.

105 Dili sila... Unsaon man pagkaon sa uban niini. Apan ang manggialamon... Himatikdi kini. Apan ang manggialamon ug utokan, ang maayong pagkabansay sa kalibutan, nagtinguha pa sa pagingon sa gihapon nga adunay Santa Claus. Ug diha anaa ang tanang matang sa tinomutumo ug mga butang nga ilang gipanagsimba, tungod kay dili man sila modawat Kaniya ang Pulong, tungod kay sa ilang mga denominasyon, dili man kini moangay sa ilang kagustohan, ang mga sinohulan nga mga magbalantay niining panahona, ang mga sinohulan gikan sa mga kredo, nga buot makighiusa kaninyo ilalum sa usa ka kanding; dili ka ba motoo niini. Ila kamong dad-on ngadto sa ihawan. Pamatia ang Dakung Magbalantay nga natawo sulod na sa napulog-siyam ka gatus ka mga katuigan ang nanglabay niining bulana, usahay kadtong gikan sa halayo sa Iyang mensahe magagikan ang tinuod nga mga magbalantay sa carnero nga nasayud sa pagbantay sa mga carnero.

Hingmatikdan, nga nagtinguha sa gihapon nagtinguha sila niini. Apan dili sila modawat niini karon, sama ra nga dili sila modawat kaniadto, tungod kay dili kini

mohaum sa ilang ecclesiastichong kagustohan. Ilang gituis kadtong Pulong ug gihimo gipahiangay Kini sa ilang organisasyon, ug dili nila ang iwali ang Pulong. Dili gayud gayud. Sila moingon, "Hinunon, alang lang kadto sa mga adlaw sa mga apostoles. Wala kini magpasabot niini." Kini nagpasabot gayud kung unsay giingon Niini, wala na Kini magkinahanglan kang bisan kinsa nga...?... nga mohubad Niini ngadto kanila.

106 Karon, niining taknaa atong iduko ang atong mga ulo ug ang atong mga kasingkasing ngadto sa abog sa yuta, ug mangadto kita pagdali ngadto sa pasungan aron pagtan-aw ug pagdawat sa Kahayag sa Pulong nga gidala sa Magbalantay, ang Dakung Magbalantay nga Profeta, si Jesu-Cristo ang Anak sa Dios. Nakigsulti ako kaninyog dugay. Tingalig wala ako maayo ang akong mga pulong sama sa usa ka pari; wala tinguhaa ang pagbuhat niana. Naningkamot ako sa pagsulti niini sumala sa Iyang paghatag kanako niini.

Apan, nakita ba ninyo kung nganong sa mga magbalantay man sa carnero? Ang uban nabansay pag-ayo sa laing pagtoo hantud nga wala na sila modaway niini. Ug karon aduna na kitay daghang matang sa mga magtatan-aw, mga tawo sa distrito, mga Obispo, mga pari, mga cardinal, mga papa, ang tanan dinhi sa kalibutan aron pagmandu kanato. Apan ang Dios naghatag kanatog usa ka Magbalantay, ug kanang Magbalantay mao ang Espiritu Santo.

107 Pamatia ako karon. "Sa dihang Siya... (dili kun usa ka panghunahuna, ang 'Siya' maoy katumbas nga ngalan)—kung Siya ang Espiritu Santo moabot na (ang Espiritu sa Kamatuoran), Iyang ipadayag kining mga butang kaninyo nga Akong gisulti kaninyo, ug ipakita kaninyo ang mga butang umalabot." Mao kana ang Dakung Magbalantay, mao kana ang gibilin sa Magbalantay nga si Jesus. Ug ang Espiritu Santo misulat sa Biblia; ang Biblia ang nagingon, "Ang mga tawo sa kanhiayng panahon gimanduan sa Espiritu Santo, misulat sa Pulong." Karon, mahimo ba sa Espiritu Santo ang pagpamira kaninyo ngadto sa kredo? Mahimo ba niini ang pag—pagpamira ngadto sa mga butang nga wala isulti niining Pulong? Intawon, mao kini ang dili gayud mahimo. Mahimong bakakon ang Espiritu Santo kung Iya pa kanang gisulti nga "Kini maoy kinahanglan ninyong buhaton," ug unya motalikud ug moingon, "Dili, kay sayup kadto, ug maoy inyong gibuhay ang unsay giingon sa simbahan nga pagabuhaton."

Karon, kong maminaw kamo ngadto sa lain pa nga maoy moguyod kaninyo pahilayo gikan sa tinuod, matuod nga Magbalantay nga maoy magtultol kaninyo ngadto sa Pulong, ang Espiritu Santo, ug unya wala kamoy kasinatian, ug wala saksihi sa Espiritu Santo sa inyong kinabuhi, kinsa walay...

108 Ang Dios Usa ra. Ang Dios mao ray Bugtong nagbaton sa Kinabuhing Dayon, ug Siya mao ang Kinabuhing Dayon. Ug ang bisag unsang may sinugdanan may katapusan. Ug kong igo ka lang magpasakop sa simbahan, kini may sinugdanan. Apan ang Pulong sa Dios walay sinugdanan, ang Dios walay... Ug kung gipanganak ka sa Dios, natawo ka sa Pulong, nan nahimo kang ana sa Dios, ug ang imong ngalan nahisulat sa Basahon sa Kinabuhi nga iya sa Cordero sa wala pa matukod ang kalibutan. Ug ikaw, ang kolor sa imong buhok, ang kolor sa imong mata, ang gitag-on mo, ikaw nakita na sa Dios sa wala pa matukod ang kalibutan. Ug Iya ka nang nakita, usa ka tawong linalang, sama kanimo. Ug bisag usa ka milyon nga katuigan ang paaboton, walay makasanta kanimo sa pagbalik ngadto sa hingpit nga dagway sa Dios nga gitagan alang kanimo sa sinugdanan, "Ang mga carnero mamati sa Akong Tingog; sa langyaw dili sila mosunod."

109 Ug kung wala mo pa madawat kanang Kinabuhing Dayon niining gabhiona, ug kung nangita ka sa tinumotumo nga sugilanon sa usa ka gamayng bata nga naghigda sa u—u—usa ka pasungan, ug sa usa ka panon sa mga tawong maalam nagtambong, ayaw gayud pagtoo sa maong mga butang nga sama niana. Ug mamalandong nga, "Hinunon, buotan man ako. Ug nagbuhat ako niini. Ug nagpasakop man ako sa simbahan. Ug mao lang kana ang kinahanglang buhaton ko." Mawala ka. Kong wala ka pa makaangkon sa Kinabuhing Dayon, unsaon mo man sa pagkabuhi hangtud sa kahangturan?

Pagkuhag lugas sa mais; dili ko igsapayan kung unsa kini ka maayong tan-awon, mahimong imong... Ang siyensiya adunay gibuhay, nga kung imo kining buk-on anaa kini managsamang kaumog, mao rang matanga sa kasingkasing, mao ra nga materials sa mga lugas nga anaa diha ka kaumahan, mao rang matanga. Mahimong ibutang mo sila sa usa ka buhatan, ug mahimong hiilhan nimo ang usa gikan sa lain: ang usa mayo rang buhaton nga tinapay; ug ang usa maayong buhaton nga biskwit. Apan ang bugtong

paagi nga maila mo sila, mao ang patisok mo kanila. Kadtung usa nga binuhat sa tawo magpabilin ra didto; madunot kini ug dili gayud moturok. Apan ang usa nga binuhat sa Dios may binhi sa kinabuhi (Nakita mo?); mabuhi kini pag-usab.

110 Mahimong masundog mo ang usa ka Cristohanon; mahimong mosimba ka sama sa usa ka Cristohanon; mahimong isulat mo ang imong ngalan sa libro sa usa ka Cristohanon; mahimong magpasakop kag usa ka denominasyon sama sa usa ka Cristohanon; maayo man kana; apan gawas kung kanang Kinabuhing Dayon anaa kanimo nga kanang Maayong Magbalantay mitugyan sa Iyang kinabuhi alang niini, aron lainon... Sa dihang mikunsad ang Dios sa Pentecostes, Siya mikunsad ingon nga usa ka bola nga kalayo sama sa Iyang gibuhat didto sa Bukid sa Sinai, sama sa Iyang gibuhat didto sa unang mga magbalantay sa carnero, nga si Moises. Ug sa mikunsad na Siya, Iyang gipinig ang Iyang kaugalingon diha sa mga dila nga kalayo nga mipatong sa ibabaw nila, ang Dios nagpinig sa Iyang kaugalingon diha sa Iyang mga katawhan. Ug gawas kon makadawat ka niana, sama nga si Pedro nagingon niana. "Kay kini alang kaninyo, ug sa inyong mga anak, ug kanila nga atua sa halayo."...

111 Mga higala, ayaw gayud kamog paminaw sa bisag unsang tumotumo nga tiyolohikanhon; magpakatawo kamo pagusab. Ug kung matawo na kamo, ang Espiritu nga anaa sa sulod ninyo kabahin sa Dios, ug mga saksi sa matag Pulong sa Dios nga mao ang Kamatuoran. Ug kong wala ka pa makabaton niana nga kasinatian, mangadto ta pagdali sa pasungan, ang Pulong. Magdali ta ngadto sa Biblia, nga magpahilayo gikan niining mga dinayandayanan nga tiyolohikanhong pinulongan sa mga kasimbahanan, ngadto sa usa ka matuod nga pasungan, diha sa Pulong sa Dios diin ang Mesiyas gipahibalo. Uban sa pagduko sa atong mga ulo, mag-ampo ta.

112 Minahal nga Dios, mao lang kana ang akong hingbaw-an nga ikasulti niining higayona. Nagsingabot na kami sa Pasko, ang kadalanan naghuot sa mga kalalaken-an ug kababayen-an, mga batan-ong lalake ug babaye, nagdinutdutay, nagtinulakay, sa pagpamalit ug mga gasa nga ilang ibalus ngadto sa mohatag kanila sa samang paagi. Daghang mga katawhan ang nagtawag sa ilang kaugalingon nga mga Cristohanon ang anaa sa kadalanan ang nanagpamalit ug mga sigarilyo, mga bino aron idulot sa Pasko.

Dios, daw sama ra kini sa naglabay sila niini diha sa Imong nawong, nga nagpanudlo sa ilang mga kabataan sa mga tinumotumo, sa Romanhon, paganong tiyolohiya kang San Nicolas, usa ka sugilanon nga sa tumang kasayon gidawat sa kalibutan, ug ilang gibalhin ang matuod nga Cristo sa Pasko, ang tinuod nga Cordero.

Dios, nangamuyo ako niining gabhiona, nga samtang among giduko ang among mga ulo ngadto sa abog diin Mo kami gikuha... Imong gisultihan si Abraham kausa, kadtung inila nga magbalantay nga profeta, "Gumowa ka, Abraham, ug isipa ang mga balas nga anaa sa kabaybayonan." Ug iyang gibalik ang pulong, "Dili sila mayhap; dili ko sila maisip."

Ug unya miingon Ka, "Hangda ang kalangitan ug isipa ang kabitoonan." Ug nasayud siya nga malisud kadto. Ug giingnan Mo siya, "Maingon man usab niana ang imong kaliwat." Among gitan-aw kanang mensahe ngadto sa magbalantay nga profeta, "gikan sa abog sa yuta ngadto sa kabitoonan sa kalangitan," nga bisan kung anaa pay kamatayon sa among madunotong lawas aron dad-on kami ngadto sa abog, anaay Kinabuhi nga magbangon kanamo ngadto sa mga bituon.

113 Sama sa Imong gisulti sa Imong inila nga profeta nga si Daniel, "Ug kanila nga nakaila sa ilang Dios sa katapusang mga adlaw, magpahimulos niini. Ug sila nga nakakabig ug daghan ngadto sa pagkamatarung modan-ag sama sa mga bituon hangtud sa kahangturan."

Ginoong Dios, gamhanang Magbubuhat, Kinsa sa kinabubut-on nanaug dinhi sa yuta sa dagway ni Jesus, aron pailhon ang tawo kung unsa ang Dios... Ug Ikaw mao ray Bugtong Kinsa makakuha sa silot, ug Ikaw lamang ang makahimo pagpapas niini. Ug ingon nga Espiritu, dili Ka gayud mamatay. Apan nagpakatawo Ka aron Ka mamatay, ug nahimong nating Carnero aron Imong mapapas ang sala sa Imong mga Tinubos, nga Imo silang gitubos pinaagi sa Imong kaugalingong Dugo.

Oh, ang sugilanon maayo kaayo, Ginoo, milabay ra kini sa ibabaw sa ulo sa kadaghanan. Sa pagpamalandong: Ang gamayng Jehova naghigda sa pasungan; kinahanglan nga mabuhi Siya sama sa usa ka bata. Ang gamayng Jehova natawo sa kamalig. Ang gamayng Jehova nakigdula sa mga kabataan diha kadalanan. Ang

gamayng Jehova, ang batan-on. Ang gamayng Jehova, sa tulonghaan. Ug si Jehova, ang gamhanang..." Imong giangkong kining tanang mga dapit. Ug unya, si Jehova, ang ating Cordero, ang Jehova nga Profeta. Ug Ikaw nahimo niining tanan aron mag-antus Ka sa silot sa sala ug aron mahatagan kami sa Kinabuhing Dayon.

114 Pasayloa kami, O Dios, kaming mga kabus, dili takus nga mga binuhat niining kalibutana. Nangaulaw kami niining gabhiona, Ginoo, sa dihang among nabasa ang unsay Imong gibuhang kanamo, ug gamay lamang ang among nabuhang balus niini. Giunsa Mo ang pagkanaug sa mga adlaw sa daghang pangulo sa relihiyon. Unsang kamatinud-anon Mo nga mitindog ug mipakita sa Pulong sa Amahan. Kung giunsa Mo ang wala pagpakiguyonay sa ilang mga pangagpas. Ug niining panahona ingon sa walay usang motindog ug motawag sa Pulong nga Pulong sa gihapon, ug dili makigkumboya. Nangamuyo kami, Dios, nga pasayloon Mo kami niining mga butang nga among giayran. Ug ihatag kanamo ning gabhiona, sa among mga kasingkasing, samtang among itugyan Kanimo ingon nga pasungan. Ug nasayud kami nga matag panahon nga ang Gilansang nga Cristo pagadawat, adunay bag-ong matawo, adunay usa ka bag-ong matawo nga carnero, adunay panag-awit didto sa langit sa mga Manolunda. Sa usa ka makasasala nga maghinulsol, ang mga Manolunda moawit na usab.

Nangamuyo kami, Dios, nga kung ania may dinhi niining gabhiona nga wala makaila Kanimo ingon nga maoy tinuod nga Gasa sa Dios, ingon nga kaugalingong Manluluwas, dili lamang sa inutok nga pagbati, kondili pinaagi sa bag-ong pagkatawo (nga matawo sa Imong Espiritu), hinaut unta nga modawat sila niini karon, Ginoo, uban sa among pagduko sa among mga ulo. Ug kung aduna may usa, Ginoo, nga wala pa makabuhang niini, hinaut unta nga ilang mga kasingkasing modawat sa kalipay karon, ug mangita sama kanhi sa mga magbalantay, diha sa pasungan sa ilang kasingkasing, ang Pulong, ang Mesiyas, nga maoy magpamatuod kanila maingon sa Espiritu Santo, ang Dakung Magbalantay sa carnero sa maong adlaw. Kini among gipangayo sa Ngalan ni Jesus.

115 Samtang atong giduko ang atong mga ulo, ug masaligon ako nga ang atong mga kasingkasing giduko usab, mahimo ba, mahimo ba, minahal kong igsoon, bisag sakop ka man sa simbahan... Ug manghinaut ako nga wala ko kamo mapasakiti pinaagi sa pagsulti sa unsay akong gikasulti. Akong... Maayo man ang pagpasakop sa simbahan; buhaton ta kana; apan, O igsoon ko, ayawg dawata kana; kinahanglan nga matawo ka pag-usab.

Mao kanay gisulti sa gamhanang Magbalantay nga Profeta, "Kinahanglan nga igaanak ka pag-usab." Mao kanay Iyang gisulti ngadto sa mga batid sa tiyolohiya, "Kinahanglan nga igaanak ka pag-usab."

Ug kong matawo ka na pag-usab, dili lamang tungod kay mitoo ka. Sila miingon, nga "Natawo ka sa dihang mitoo ka."

Apan ang Biblia nag-ingon, "Ang yawa nagatoo man usab." Karon, himatikdi, dili kon ingon niana; usa kini ka kasinatian. Moingon kamo, "Hinunon, nagkinabuhang man akong maayong kinabuhang."

Mao man usab ang mga apostoles, apan wala pa sila mangatawo pag-usab hangtud nga nadawat nila ang Espiritu Santo. Wala man gani sila mangakabig hangtud nga nadawat nila ang Espiritu Santo. Inyo bang nahinumduman ang gabii sa wala pa ang pagbudhi—o sa panahon sa pagbudhi, sa wala pa mahitabo ang pagbudhi? Si Jesus miingon kang Simon Pedro, "Kung makabig ka na unya, lig-onon mo ang imong mga kaigsoonan." Ug si Pedro nagsunod na Kaniya sulod sa tulo ka tuig ug tunga, ug nakapanghingilig mga yawa, ug nag-ayog mga balatian, nagwali sa Maayong Balita, ug sa gihapon (sumala sa Pulong) wala pa gani makabig.

116 Karon, gusto ba kanang matanga sa—sa Mensahero diha sa inyong kasingkasing niining gabhiona? Kong—kong nagkinahanglan mangayud kamo niana... Dili kini mausab bisan kung unsa pay isulti sa uban; Kini maoy tinuod, igsoong lalake, ug babaye. Nahibalo ako nga kana maoy tinuod. Gusto ba kamo, samtang giduko ang matag ulo ug gipiyong ang matag mata, dili alang kanako, kay tawo lamang ako, inyong igsoon, apan alang kang Cristo ipataas ang inyong mga kamot, ug ingna, "nagtoo ako niana. Ug gikinahanglan ko kaayo kang Cristo sa akong kasingkasing, ang tinuod nga Cristo sa Pasko"? Mahimo bang ipataas ninyo ang inyong mga kamot karon? Ang Dios magapanalangin kaninyo. Maayo kana. Ang Dios magapanalangin kaninyo. Ang Dios magapanalangin kaninyo. Ay, daghang mga kamot bisag diin.

Hinaut nga mahitabo kini, igsoon kong lalake, hinaut nga mahitabo kini, igsoon kong babaye; hinaut nga mahitabo kini, higala ko; pagpapuno sa Espiritu sa Dios. Unsa may makadaot niini kung unsay isulti ni bisan kinsa? Hinumdumi, nga kinabuhi mo kini. Wala gani ta dinhi sa yuta niining buntaga; wa—wala gani tay kasigurohan ni kinabuhi kay sa unsay atong giginhawa sa atong ilong karon. Mahimong dili na ta makaginhawa, gawas lamang sa grasya sa Dios. Ug unsa may maayong ikadulot niini, bisan pag unsa ka maayo ang imong pagkinabuhi ug unsay... Si Jesus nagingon, "Gawas kon ang tawo igaanak pagusab, dili siya makasulod niini."

117 Karon, nasayud ako sa mga sinultihan kung unsa ang pagpakatawo pag-usab, apan atong tan-awon kung unsay nahitabo diha sa Biblia sa dihang gianak sila pag-usab. Si Pedro usa ka magtotoo, ang mga apostoles magtotoo man, apan wala sila matawo pag-usab hangtud nga human nga ang Espiritu Santo mikunsad kanila sa Pentecostes.

Karon, nahibulong sila kung unsay nahitabo, ug si Pedro miingon, uban kanila, "Mga Israelinhon, angay ninyong mahibaloan, si Jesus nga Nazareton, usa ka Tawong gipamatud-an sa Dios sa inyong taliwala pinaagig mga ilhanan ug mga milagro ug mga katingalahan, nga gibuhat sa Dios pinaagi Kaniya; Siya Kinsa nga gipanugyan tuman sa gimbut-an nga laraw ug sa nahibaloan nang daan sa Dios, kini siya inyong gilansang sa krus ug gipatay pinaagi sa mga kamot sa mga tawong malinapason, Kinsa gibanhaw sa Dios ug kami mao ang Iyang mga saksi. Iya kining gibubo kini ang inyong nakita ug nadungog karon; sumala sa mga Kasulatan."

Ug unya, sa ilang pagkadungog niini, gisakitan sila sa ilang kasingkasing, ug miingon, "Mga igsoon, unsa may among buhaton aron kami mamaluwas?"

Si mitubag kanila nga nagaingon, "Paghinulsol."

118 Ug karon, sa akong higala nga Katoliko nga ania dinhi, sumala sa akong hingbawan nga upat o lima kamo ang ania dinhi. Nakiglantugi ako niini uban sa inyong pari, tingalig dili inyong pari, apan usa sa mga paring Catoliko, ang miingon, "Si Jesus naghatag ug gahum sa simbahan sa pagpasayloa sa mga sala, 'Bisan kang kinsang sala ang inyong pasayloon, sila mapasaylo; ang sala nga dili ninyo pasayloon, sila dili mapasaylo.'" Tinuod kana. Apan atong tan-awon kung giunsa niya kini pagbuhat, kung giunsa sa mga apostoles pagsunod sa Iyang tugon, dili sumala sa paagi sa—sa gibuhat sa mga pari karon.

Apan unsa may gibuhat sa unang pari, kong gusto ninyo siyang tawgon niana, si Pedro, nga maoy nagkupot sa mga yawi sa Gingharian, kung giunsa niya pagsulti nga buhaton kini? Siya miingon, "Maghinulsol, ang matag usa kaninyo, ug magpabautismo sa Ngalan ni Jesu-Cristo alang sa kapasayloan sa mga sala, ug makadawat kamo sa gasa sa Espiritu Santo, kay ang saad alang kaninyo, ug sa inyong mga anak, ug kanila nga atua sa halayo, kanila nga pagtawgon sa Ginoo nga atong Dios." Ug kong nagatawag pa man ang Dios, mao rang kasinatian ang inyong maangkon kong mosunod kamo sa mao ra nga tugon. Kong kining maong congregasyon motoo niana, uban sa pagduko sa inyong ulo, ingna, "Amen" [Ang congregasyon miingon, "Amen."—Ed.] Nan ang bisag unsa na dili mohaum niana supak sa Pulong, ug dili sumala sa Magbalantay.

119 Ginoong Jesus, anaa na sila Imong mga kamot karon. Akong gipangamuyo nga ang matag bukas nga kasingkasing ning gabhiona nga wala pa makabaton sa Cristo, ang Mesiyas... Ug si Cristo mao ang Pulong, ang dinihogan nga Pulong nga gipadayag. Ug kung aduna may binuksan nga kasingkasing dinhi niining gabhiona nga wala pa makabaton sa Mesiyas, ang tinuod nga Gasa sa Pasko, ang bugtong tinuod nga Gasa sa Pasko nga gihatag sa Dios sa kalibutan, ug gipadayag kini dinhi sa kalibutan pinaagig mga magbalantay sa carnero, sa Iyang Cordero, ang igbabayad sa sala... Ug kong kanang kasingkasing bukas niining gabhiona, ibutang niana, Ginoo, ang Mesiyas nga Pulong karon. Amo silang isalig Kanimo sa Ngalan ni Jesu-Cristo, ang Imong Anak. Amen.

120 Nahigugma ba kamo Kaniya? Nagtoo ba kamo Kaniya? "Maoy unaha pagpangita ang Gingharian sa Dios, ug ang Iyang pagkamatarung, kay ang tanang butang igadugang ra kaninyo."

Mga higala, sa dili pa kita magbulagbulag, buot kong isulti kini. Daghang mga higayon nga dili ako hisabtan. Ako may Mensahe nga gikan sa Dios, ug kinahanglan nga ipadayag ko kanang Mensahe bisag unsay mahitabo. Nasayud ako nga giayran kini. Ug kong wala man, nan dili kini mao ang Mensahe sa Dios; dili Kini mao. Adunay daghang

nagkalamokat karon ug dili kini mahisalikway. Nagtoo ako nga ang Dios adunay mga katawhan sa matag denominasyon ug organisasyon sa kalibutan, ug dili nga supak ako mga kaigsonan. Mianhi ako sa Tucson, tulo na ka tuig ang milabay, ug nakigtigum ako uban kaninyo mga ministro didto kang Igsoong Gilmore, ug gipangutana kadto, mianhi ba ako aron magsugod ug tukod ug simbahan?

Giingnan ko, "Dili, sir. Mianhi ako aron pagtabang kaninyo." Apan wala ako sukad pangutan-a sulod sa tulo ka mga katuigan. Apan mao ra sa gihapon, mianhi ako aron pagtabang kaninyo. Mianhi ako aron makigyayong kaninyo, dili sa pagpasakop sa organisasyon uban kaninyo, kondili sa pagpakighiusa sa buhat ug sa kasingkasing uban kaninyo diha sa Pulong sa Dios sa pagpaninguha pagwali sa Maayong Balita ngadto sa tanan nga nangawalang kalag ug sa matag tawo nga nanginahanglan nga nagpailalum sa atong mga tingog.

Gitanyag ko ang akong kaugalingon ngadto sa Dios, niining gabhiona, uban sa bug-os kong kasingkasing, uban sa tanan nga ania kanako. Wala akoy igong ikahatag; dili ako makahimog dala ug incienso, mira, ug bulawan, tungod walay ako. Apan ang tanang nga ania kanako, nga gitugyan kanako sa Dios niining kinabuhia, akong gihalad kini Kaniya pag-usab niining gabhiona, sa ibabaw sa pasungan sa Iyang Pulong dinhi sa akong kasingkasing, ug saran Siya nga magabarug pinaagi nianang Pulonga, kong tugotan pa ko Niya nga mabuhi sa lain pang tuig, nga magmatinumanon kutob sa akong mahimo sa pagbarug; nga iwali ang matag bahin Niini, ug toohan tanan Niini; busa, tabangi ako, Dios. Mabuhat ba ninyo ang ingon sama kanako?

121 Dawata kami, Ginoo. Among gidawat ang Imong Gasa sa Pasko, nga mao ang Mesiyas, ang dinihogan nga Pulong nga nagpamatuod sa Imong Presencia uban kanamo, Ginoo, sa walay pagtagad sa kredo ug denominasyon. Among nakita, ang among mga kaugalingon karon, nga ang kalibutan nagakalusno na, ug ania karon ang gamhanang Mesiyas nagtindog nga tinuyhad ang Iyang mga kamot: Si Jesu-Cristo mao sa gihapon kagahapon, karon, ug hangtud sa kahangturan, mao kana ang naghimo sa mga saad, nga niining katapusang mga adlaw, ang iglesia mahimong organisasyon hangtud nga mopadulong kini sa Laodicea. Ug amo nang nakita kini karon, Ginoo.

Unsa may among mabuhat, mahal nga Dios? Unsa may pagabuhaton ko? Tabangi ako ug kining ubang mga magbalantay, Ginoo, sa tibuok kalibutan, mga magabalantay sa Pulong, aron ipahayag kini, Ginoo, niining mosunod nga tuig. Tabangi kami, Ginoo, nangamuyo kami. Hatagi kami sa Imong Gugma ug sa Imong Espiritu ug sa Imong Kahayag. Among gihalad ang among kaugalingon niining gabhiona diha sa Imong Pulong ug sa Imong tawag. Sa Ngalan ni Jesu-Cristo, among gidawat ang Imong Gasa sa Pasko, nga mao ang Pulong sa Dios nga nahimong unod dinhi sa sulod namo. Amen.

122 Gihigugma ko ang mga alawiton sa simbahan. Si Pablo nag-ingon diha sa Biblia, "Kung ako moawit, moawit ako diha sa Espiritu. Kung mowali ako, mowali diha sa Espiritu. Kung ako... Bisag unsay buhaton ko, buhaton ko ang tanan sa Ngalan ni Jesu-Cristo." Ug karon, sanglit kay mapanlimbasugon ra man kini kaninyo... Ug nakadayeg a—ako kaninyo. Mianhi ako uban niining mensahea. Usahay daw dili ko ikalipay ang pagsulti niini, apan bisan pa niana a—akong tulobagon, mga kaigsonan. Kong dili man kini buhaton, nan mahimo akong usa ka maut. Kon dili ko man kini buhaton, mabudhion ako sa kaugalingon kong kaisipan, ug sa akong ka—kaugalingong pagtoo sa Pulong sa Dios. Kinahanglan nga buhaton ko kini, dili aron ingnon, kondili sa pagkamatinud-anon sa akong pagkatinawag. Ug buot kong tabangan kamo; buot kong buhaton ang tanan nga akong mahimo.

Ug karon, atong awiton ang usa sa maayong awit sa tanang panahon, gihigugma ko kini pag-ayo, "Mahal ko Siya." Nahibalo kamo, maayo unta kong kitang tanan mahigugma Kaniya, atong buhaton kung unsay Iyang giingon nga atong buhaton. "Nganong motawag man kamo Kanako, nga 'Ginoo, ug dili mobuhat sa mga butang nga Akong gisugo kaninyo? Nganong motawag man kamo Kanako, nga Ginoo,' ug unya dili mobuhat sa Akong gipabuhat kaninyo?"

123 Inyo bang palabihon ang pagpamati sa mga sinuholan nga magbalantay nga moingon "Isulat ang inyong ngalan sa libro, ug pagpasakop; dawata kining komunyong, isulti kini, ug igo na kanang tanan," samtang ang Gamhanang Magbalantay Mismo miingon, "gawas kon ang tawo igaanak pag-usab dili siya makakita sa Gingharian sa langit"?

Ug tan-awa kadtong mga binansay nga batid sa tiyolohiya niadtong adlaw, binansay nga Balaan? Limpyo na pagkinabuhi? Dili ta makatupong niini karon, sa paagi sa ilang pagkinabuhi. Ug tan-awa kung unsay gingalan kanila sa Dakung Magbalantay? Miingon, "Kamo gikan sa inyong amahan nga mao ang yawa," tungod kay wala man sila... Miila sila sa Pulong, apan sa Pulong sa laing adlaw, dili kon sa Pulong nianang adlaw.

Kong ila pa giila ang panahon ni Noe, husto kadto; panahon kadto ni Noe; apan dili na kadto magamit sa panahon ni Moises. Ug ang panahon ni Moises dili na magamit sa panahon ni Cristo. Nakita mo? Ang panahon ni Luther dili na magamit sa panahon ni Wesley. Ang panahon ni Wesley dili na magamit sa panahon sa Pentecostal. Ug ang Pentecostal nagbuhat sa samang butang nga gibuhat nila. Karon, kinsa may mitabang kanako sa milabayng mga adlaw? Mangutana ako.

124 Kung ang sagbot moturok na, unsa man kini? Unsay... Kung ang dahon sa trigo mogitib na... Si Jesus miingon, "Gawas kung ang lugas sa trigo mahulog sa yuta..." Unsa may mahitabo kung ang lugas sa trigo—o kung ang trigo mahulog sa yuta? Ang unang butang makita mao ang gamayng udlot. Dili ki—kini sama sa lugas nga nalubong. Bantayi ang kinaiyahan. Dili kini sama sa lugas nga nalubong, kondili ang mga-aagak sa kinabuhi sa lugas. Unsay mosunod...

Kadtong daotan nga nagsulat sa labing inila nga libro, "Ang Dios Nga Nagpakahilum," giingon kini, "Unsaon man sa pagpahimo nga anaay Dios nga miabli sa Dagat nga Mapula, ug nagpasagad sulod sa libihan ka mga katuigan sa mangingit nga kapanahonan ug nagtan-aw sa magagmayng mga kabataan nga gikaon sa mga leon, ug ang mga katawhan nga gipamitay sa krus, ug gipangpatay sa sulod sa kalingawan ug uban pa, ug wala gani moabli sa Iyang baba?" Tan-awa, ang Pulong usa ka pinadayag.

125 Kadtong maong trigo, kung kadtong tinuod nga trigo nga nagsugod didto sa sinugdan, napakyas sa Dios. Ug sa katapusan miabot ang usa ka Trigo, usa ka tinuod nga Panganinaw sa Dios, nga nagpakita sa Iyang kinatibuk-ang Pulong maingon nga Siya mao ang Pulong. Ug tungod niana ang Dios naghatag Kaniyag Pangasaw-onon didto sa Pentecostes; apan kadtong maong Pangasaw-onon nahulog sa yuta pinaagi sa mangiob nga kapanahonan sama sa nahitabo sa usa ka tinuod nga trigo. Nahulog kini. Ug nganong wala man kini makahilok? Tungod kay natago man kini sa ilalum sa yuta; kinahanglan nga madunot una kini sa dili pa kini mohatag ug kinabuhi.

Apan dihay miabot nga usa ka gamayng pari nga ginganlag si Martin Luther, ug mipalipang siyag usa ka Pulong sa Kamatuoran: "Ang matarung mabuhi pinaagi sa pagtoo." Migitib ang udlot; ug unya misunod ang lain pang dahon, kang Zwingli, ug unya miabot si Calvin ug Knox ug hangtud paubos.

Ang unang butang nga hibaw-an mo, nga kini nag-usab sa dahon niini; mipaingon na kini ngadto sa banay. Ug karon, may pagkasama na kining tan-awon niini, apan dili pa kini mao ang tinuod nga nahulog didto sa yuta; ania miabot na usab si Wesley. Gikan kang Wesley mitungha ang Methodist nga simbahan, gikan sa simbahang Methodist mitungha ang Nazarene, ang United Brethren, ug uban pa. Unsa may gibuhat niini? Nahulog na usab kini pagbalik ug namunga, nga sama sa usa ka tinuod nga lugas sa trigo karon, ang Pentecostes.

126 Karon, bantayi si Jesus, diha sa Mateo 24:24, "Sa katapusang mga adlaw, ang duha ka mga espiritu magakakuyog, hangtud nga hilimbungan niini ang pinili, kon mahimo pa." Karon, sa pagturok niadtong lugas sa trigo, bisag kinsa nga tig-atiman ug trigo nasayud nga daw mao rang tan-awon, ang lugas sa trigo. Apan kung molingkod ka ug kuhaon kini, ug ablihan. Sa sulod niana wala lugas, usa pa kini ka pakpak. Apan balik diha sa luyo, sa usa ka mikroskop makita mo ang usa ka gamayng putot; diin anaa diha sa lugas. Ug unsa may mahimo sa pakpak? Mao kini ang mag-amping sa lugas; kay ang kainit sa adlaw mopatay niini; mao kini ang mag-amping sa lugas hangtud nga lugas magulang na. Ug kung mogulang na ang lugas, ang pakpak mobiya na niini. Apan hingmatikdan ba ninyo, nga kadtong lugas nga mitungha, mao rang matanga sa lugas nga nahulog sa yuta.

127 Human sa rebaybal ni Luther natukod ang organisasyon. Human sa rebaybal ni Wesley natukod ang organisasyon. Human kang Alexander Smith, si John—Alexander Campbell, John Smith, ug ang uban pa kanila, natukod ang organisasyon. Human sa Pentecostes, dihadiha sama sa usa ka tinuod nga butang, apan natukod ang usa ka

organisasyon. Unsa may gibuhath niini? Mibiya.

Napulog-lima ka tuig ang atong rebaybal, milukop kini sa tibuok kalibutan, ug walay usa ka organisasyon ang natukod niini. Hain na man kini? (Nagsugod kini sa ulahing ulan; namatay kini—dihadiha, namatay kini.) Wala nay organisasyon nga nagsunod pa niini. Ngano man? Kay kini mao na man ang lugas mismo; wala nay lain pa. Ug ang pakpak karon nalaya na, walay motabang, walay moangay nimo. Nganong ingon man niini? Kinahanglan nga mahitabo kana.

128 Nganong mitabang kanang simbahana diha? Aron pagtabang niini. Hain... Kinsa bay magtinabangay? Unsa ang Baptist, o Presbyterian, o Lutheran mitabang ba sa crusada sa Langitnong pagpangayo? Ug karon sa dihang ang Kamatouran miabot na, unsa may nahitabo? Dili kon ang pakpak; kondili ang Kinabuhi migawas diha sa pakpak, paingon ngadto sa lugas, ang tinuod nga Kinabuhi. Ang organisasyon nagpabilin ra didto, nga namatay, sama sa nahitabo niini sa matag panahon; mao ra usab ang gibuhath niini. Kamo manggawas gikan niana kalim-an na ka tuig ang milabay, ug mipaingon ngadto sa lugas. Apan ang tinuod nga Kinabuhi misunod sa lugas, ania na kita sa katapusang panahon, mga kaigsoonan.

129 Unsay katuyoan sa pagbulag niini? Aron ang lugas madala sa Presencia sa Anak aron mahinog ang lugas sa usa ka bulawanon nga pagkahinog alang sa Agalon. Nganong kinahanglang mobiya man kini? Ang ingon nakahatag ug kaguol sa kasingkasing, mga luha, nga wala nila ikahatag sa atubangan sa adlaw, kondili sa Anak aron pahinugon alang sa tinuod nga linangkub nga Maayong Balita, aron pagpadayag sa tanan nga gisaad ni Jesu-Cristo diha sa Biblia, diin anaay nabanhaw nga usa ka Lawas karon diha sa mga katawhan. Ug wala na unyay organisasyon; kay kini mipadulong na ngadto sa dato nga Laodicea. Unsay gikadaotan sa organisasyon? Sa minilyon nga dolyares, ug minilyon nga mga kalag.

Ug unsay katuyoan sa pag-anhi sa magbalantay? Aron sa pagpahigawas sa iyang mga kaigsoonan gikan sa pagkabilanggo. Wala a—ako masayud, ang Dios, magauban kanato, ug motabang kanato. Pagtuon sa Pulong. Susiha ang mga Kasulatan. Kay diha kanila nagtoo ta nga anaa ang Kinabuhing Dayon, ug mao kana sila ang nagpanghimatuod sa Kamatuoran. Tan-awa, ang Dios nagbahin sa Iyang mga Pulong sa matag panahon. Kining panahona kanunayng...

130 Unsay giingon ni Jesus sa Iyang pag-anhi? Iyang giingnan ang mga katawhan, "Kamong mga maut. Inyong gipaputi ang mga bongbong, ug nanagbuhath ug mga pantiyon sa mga profeta, ug ang inyong mga amahan maoy naglubong kanila diha. Ug kamo mao ang mga anak sa inyong mga amahan. Ug ang mga butang nga ilang ginabuhath, gibuhath usab ninyo." Nagpabili kini nga mao sa kanunay, mga kaigsoonan.

Apan kun sa kaulahiay moabot si Jesus, ang Dakung Magbalantay sa mga carnero sukad pa sa Pentecostes hangtud kang Luther hangtud sa tanang kapanahonan, midawat sa Kahayag samtang miabot Kini pinaagi sa mga mag-aagak (dili ang mag-aagak ang gidawat, kondili ang Kahayag ang gidawat, nakita mo? miaagi), Mianhi Siya aron pagtubos. Akong gikalipay ang pagkasayud nga moanhi Siya pag-usab. Oh, mahimong bang magpaihap ka uban sa Iyang panon? Magpaihap ka ba? Adunay usa ra ka paagi ang pagbuhath niini, dili sa pagpasakop sa simbahan, kondili sa pagpakatawo diha Kaniya. "Ug ang tanan nga gitugyan Kanako sa Amahan, moduol Kanako, ug walay makaduol Kanako gawas kon pagatawgon siya sa Akong Amahan." Nakita mo? Mao ra kana ang anaa diha, dawata kini. Siya... Mao ra kana ang bugtong gasa sa Pasko nga akong hingbaw-an, ang gasa sa Dios nga Iyang gihatag sa kalibutan, ang Iyang bugtong Anak. Ug Siya mao sa gihapon, kagahapon, karon, ug hangtud sa kahangturan, ang Pulong. Amen. Toohi Siya niining adlaw, ang kahupnganan sa Biblia.

131 Samtang kadtong pito ka mga misteryo... Balik sa mga kapanahonan sa iglesia, dihay pito ka mga gililong nga misteryo. Anaay libro nga akong gisulat niini. Ug usa ka inilang batid sa tiyolohiya ang miingon kanako dili pa lang dugay, miingon siya, "Igsoong Branham..."

Tan-awa kung giunsa ni Satanas ang pagpaningkamot sa pagbunlot kanimo pagpahilayo sa dalan? Siya miingon, "Igsoong Branham, nasayud ka ba? Nagtoo ako nga ang Ginoo magapadayag kanimo kung unsay atong sunod nga pagabuhaton. Mao ang... Mao kadto ang mga dagkung tinago nga gililong didto ilalum sa Pito ka mga Timri." Giingnan ko, "Dili, dili ingon niana, igsoon."

Siya mitubag, "Usa kini ka butang nga wala gani mahisulat sa Pulong."

Giingnan ko, "Dili. Dili. Nalimot ka, 'Bisan kinsa nga magadugang ug usa ka pulong, o magtaktak ug usa ka Pulong,'" Tan-awa, anaa na kini diha, apan ang mga teformador wala makakita niini; wala sila magdugay sa pagkabuhi aron makakita niini.

Ug ang mga kapanahon talitapos na karon; ania na kita sa Laodicea. Ug hinumdumi, ning panahon sa Laodicea, Siya anaa ra sa gawas sa simbahan, nagatoktok, naninguha sa pagbalik pagsulod: Si Eva maoy nagpalagpot kang Adan sa gawas. Dios, tabangi kami. Mangadto kita sa gawas sa kampo aron pangitaon Siya. Mag-antus ta sa gawas sa kampo uban Kaniya. Mangadto kita Kaniya sa Iyang kamatayon, sa Iyang lubong, ug sa Iyang pagkabanhaw; tungod kay Siya mao sa gihapon kagahapon, karon, ug hangtud sa kahangturan.

132 Atong awiton ang usa ka awit sa dili pa kita manggula. Mahimo ba? "Mahal ko Siya." Mahimo bang ihatag mo kanamo ang tuno, sister? Pila man ang nahibalo niining karaang kanta? Akong... Kong kanunay kamo nagtambong sa mga tigum, moangay ako niini.

Ug karon, atong piyongon ang atong mga mata; hunahunaa si Jehova. Walay takus, walay usa nga makahimo niini gawas Niya. Ug nanaug Siya, ug nahimong usa ka gamayng bata. Nahimo Siyang usa ka batan-on. Nahimo Siyang usa ka panday, usa ka mamumu. Siya nahimong usa ka Cordero; Siya nahimong Halad. Siya nabanhaw nga madaugon, si Jehova.

Ug sa paghulbot ni Moises sa iyang kamot gikan sa iyang dughan sa ibabaw sa iyang kasingkasing, gihulbot sa Dios ang Iyang kamot gikan sa Iyang dughan (ang Iyang tinago) ang Iyang Anak nga gihampak sa balatian nga sala, nga dili matambalan; ug gisulod kini pagbalik sa dughan, ug gihulbot kini ug gihatag kaninyo ug kanako: "Si Jesu-Cristo mao sa gihapon kagahapon, karon, ug hangtud sa kahangturan." Tan-aw Kaniya karon:

Mahal ko Siya, mahal ko Siya Tungod sa gugma Niya, Kaluwasan ko gibayran
Sa Calbaryo.

133 Pila man ang nasayud nga kinahanglan adto sa magbalantay, moingon "Amen." [Nag congregasyon miingon, "Amen."—Ed.] Kinahanglan... Nganong sa usa ka man magbalantay? Kinahanglan gayud. Karon, samtang atong awiton pag-usab kining maong tudling, kab-ota sa pikas lamesa. Kay anaay mga Methodist, Baptist, Lutheran, Presbyterian, Catoliko, ug ang tanan, nga nagalingkud diha niining gabhiona. Lamanoha, ug ingna, "Isigka-dumoluong, akong gikalipay ang pagpakig -uban ko kaninyo niining gabhiona." Sultihi silag usa ka butang. Ingna, "Ang Dios magapanalangin kanimo, samtang maglamano hay kita ang usag usa karon, samtang atong awiton kini pag-usab karon:

Akong... [Walay sulod sa teyp—Ed.] ...ang kaluwasan
Sa Calbaryo.

Ug karon, atong piyongon ang atong mga mata ug ibayaw ang atong mga kamot, ug awitan ta Siya.

Mahal ko Siya, mahal ko Siya Tungod sa gugma Niya, Kaluwasan ko gibayran
Sa Calbaryo.

134 Ug karon, ang Dios walay katahum. Busa, atong iduko ang atong mga ulo ug atong iham kini karon, sama sa magagmayng kabataan; kamo mga kabataan sa Dios. Ayawg tan-awa kung unsay paghunahuna sa kalibutan; kamo nagasimba karon, nagasimba kang Cristo. Iduko ra ang mga ulo ug iham kini. [Gipanguhan ni Igsoong Branham ang congregasyon sa paghaming: "Mahal ko Siya"—Ed.]

Wala ba kamo mobati nga ang tanan napapas na? Lamang... Butang nga nagpapas sa tanang pagduhaduha ug ang kalibutan nahilayo na kaninyo? Wala ba ninyo batia? Ibayaw ang inyong mga kamot, "akong gibati nga ang tanan napapas na. Nabag-o na ang akong pagbati. Akong gibati nga daw nagkaon ako sa Iyang mga palad. Akong..." Sama sa usa ka igsoon dinhi nga nagtestimonyo, "Pagkaon, ang pagkaon sa Magbalantay, Pagkaon sa mga carnero." Mao kanang Pulong.

135 Ang mga carnero sa Dios gipakaon sa Iyang Pagkaon, "Ang tawo mabuhi dili sa

tinapay lamang, kondili sa matag Pulong nga magagula gikan sa baba sa Dios.” Ug mao Kini, ang Biblia. Kita gipakaon sa matag Pulong, dili lamang sa pipila ka mga Pulong, kondili sa matag Pulong nga magagula. Oh, wala ba kini kaninyo makapahigugma Kaniya, sa pagpamalandong nga kita nakabaton sa Kinabuhing Dayon? Dili kay sa umalabot kita mangahimo ta, karon kita mga anak na sa Dios. Dili kay sa umalabot pa, karon. Ug nanaglingkud diha sa langitnong mga dapit diha kang Cristo Jesus. Ug ang dakung telebisyon, nga nagpahayag nga adunay usa ka balud nga maoy naghimo sa katawhan (ang tawo nga naglibot sa tibuok kalibutan) nga gitawag nga—nga talon sa telebisyon... Ang dakung Pulong sa Dios, ug ang Espiritu sa Dios maoy nagdala sa Pulong sa Dios nga gipadayag kang Jesu-Cristo diha sa langitnong mga dapit ngadto sa Iyang mga carnero, nga Siya mao sa gihapon kagahapon, karon, ug hangtud sa kahangturan. Dili ba Siya kahibulongan? Kahibulongan. Ang Dios magapanalangin kaninyo.

136 Ug karon, manindog ta kadali. Anaa na bay natudlo nga maoy magtapus? Karon, hinumdumi, ning panahon sa Pasko simbaha ang Ginoong Jesus. Simbaha Siya diha sa gahum sa Iyang pagkabanhaw. Ug kon ugaling nakapahimuot man ko kaninyo (kamo, ang inyong pastor, ang inyong simbahan, ug bisag unsa,) ang kagabhion dili mongiub; ang ulan dili mobundak.

Sa miaging gabii (Dihay usa ka babaye nga nagtindog dinhi.) Nagkapuliki ako sa pagtagad sa mga masakiton ug uban pa hangtud nga... Dihay usa ka babaye nga tingalig kawaloan na ang edad nga nawad-ag pamuot, ug may iyang...

Siya—nagtoo ako nga anaa siyay gamayng bata o usa ka butang; nawad-an siyag maayong pamuot. Ug si Billy, gikan sa opisina, mitawag kanako, nga nagaingon, “Daddy, mahimo na?”

Giingnan ko, “Dili ko mahimo karon. Anaay mga katawhan... Dili ko kini mahimo.” Siya miingon, “Daddy, mahimo bang mag-ampo ka? Giingnan ko sila nga nag-ampo ka.”

Giingnan ko, “Oo.” Ug niadto gayung higayona naulian siya. Nahikatulog siya, mibangon nga maayo na ang kahimtang, mikaon nga nabusog, manok ang sud-an, maayo hangtud sa hangtud. Usa ka tawo ang ania dinhi nanghimatuod niini dili pa lang dugay.

137 Igsoong Mack, nakita ko siya dinhi dili pa lang dugay, dinhi sa simbahan. Ania siya dinhi, usa sa mga pastor, local pastor. Usa sa minahal kong igsoon, ug kanunayng gimahal ko si Igsoong Mack sukad sa akong pang pagsugod sa bulohaton. Ug gikakita ko siya...

Ug didto ako sa British Columbia; ug lakbitan ko pagpakita kaninyo kung giunsa sa Dios ang pagpamuhat sa tanang butang nga maayo. Nagsakay na ko sa kabayo, aron mobalik ngadto sa kamingawan diin gitultolan ko ang tibuok panon sa mga Indian ngadto sa Dios; ug nangakabig silang tanan, ug midawat kang Jesus.

Ug pinaagi sa profesiya nga nagtug-an ngadto sa batang Indian nga nawad-an ug nating kabayo duha na ka tuig ang milabay, gisultihan siya kung hain pangitaa kini, unsang kalayo niini, ug kung haing dapita ang kabayo mahimutang. Ang iyang inahan naghimalatyon na sa sakit sa kasingkasing, naayo siya ug nakabig. Ug kining bataa, miabot ug nakakita niini, ug nasayud nga siya... Ang iyang kabayo hingkit-an nga tukma gayud sa gisulti kaniya, ug ang tanan.

138 Walay usa ka Pulong nga gilitok sa Ginoo... Pangutan-on ko ang matag usa kaninyo, “Siya, hingdunggan ba ninyo Siya nga nagsultig mga butang, nga Iyang gisulti kanako nga sultihan kamo, nga wala matuman sa tukmang kahimtang?” Kong husto man kana, ingna “Amen.” [Ang congregasyon miingon, “Amen.”—Ed.] Tan-awa, nakita mo? Husto gayud, wala gayud mapakyas bisag kausa.

Ug si Igsoong Mack naglubog na nga himalatyon, ug nahitabo nga ang iyang asawa mitawag kang Billy, ang asawa sa akong anak, ug gisultihan— nangutana kung hain ako; kanang maanyag nga babaye ug ang iyang asawa. Ug siya... Ug ang akong umagad miingon, “Anaa siya sa amihanang British Columbia nangayam.”

Ug niadtong buntaga, sa kalit, dili a—a—ako makahimo pagsakay sa kabayo. Ug unya si Billy miingon, “Naghunahuna ako nga motawag sa balay makausa pa.” Ug miadto siya sa tawganan ug mitawag. Ug ania karon nagsingabot sila nga nagdalagan, samtang kadtong gamayng Indian nagtindog didto, ang gamayng...?... nagdalag nating kabayo, ug miingon, “Si Igsoong Mack nag-ungaw na sa kamayon, ug nagsigig panawag

nimo.”

139 Ug nanaug ako, ug miadto sa lasang, ug miluhod. Matud ko, “Minahal nga Dios, didto, tulo milyas latas niining nasud diha sa mainit nga dapit sa Arizona, sa Tucson, anaa didto ang akong igsoon, ug nag-ungaw na siya sa kamatayon. Mahimo bang tabangan Mo siya?”

Dihay Usa nga nakigsulti kanako, “Ang tanan maayo ra.”

Ug sa nahiadto na ako kang Igsoong Mack sa miaging adlaw aron makigsulti kaniya, ug gipangutana ko siya, “Kung unsang orasa nga nahitabo kadto?” Tukma gayud sa takna nga nanag-ampo kami.

Oh, Siya... Dili ba kahibulongan Siya. Siya mao sa gihapon kagahapon, karon, ug hangtud sa kahangturan. Malipayon kaayo ako nga nasayud nga anaa ako magpuyo sa Atubangan sa Hari.

140 Atong iduko ang atong mga ulo karon, ug usa sa minahal nga igsoon nga ania dinhi, usa ka misyonaryong igsoon, akong higala, usa ka membro sa Assemblies of God, usa sa bililhong igsoon dinhi. Ginganlan ko siya, nga “Creeche.” Misulti siyag maayong mga butang. Igsoong Creech, kana maoy akong tawag kanimo. Wala ako masayud kung unsay angayng isulti ko; igsoon ko ikaw uga isigkaulipon diha sa mga kasakitan ni Jesu-Cristo ning katapusang mga adlaw. Hinaut nga ang Dios magapanalangin kaninyo. Ug nagtoo ako nga si Igsoong Tony nag-ingon nga ikaw maoy magtapus niining higayona, samtang atong iduko ang atong mga ulo. Mahimo ka nang, moari.



www.messagehub.info

Mga Wali Ni

William Marrion Branham

"... sa mga adlaw sa tingog ..." Pin. 10:7